

保幼大全序



保幼大全者予同寅朱君時佐之



以壽世者也其論理至精至密其制方

至詳至備蓋自人之成形以至成童穉

恙之証莫不畢具惜乎著之者失其

名身相傳謂得之古塚中雖未必感而
用之療疾靡有不效誠天地間一奇書
也君携至宣城謀與李令宗仁備梓以
傳於四方且請予序諸首予惟傳
曰如保赤子赤子甚不易保也而是書

亦未易得之得之者不私於一家已
歟而欲傳之於四方且將以及後世使凡赤
子皆得所以保之之道而安然於長大壽
考之城二君子之用心不亦公且溥矣乎
夫保赤子即所以保民也使保民者有真

能知保赤子而民有未安者吾未三信
也差為序

弘治二年己酉秋七月望日

賜進士出身中順大夫直隸寧國府知府

天台范吉以頁書



保幼大全序

保幼大全即小兒衛生總微論方之

別名也以其制方著論詳審精密故

復名之曰保幼大全予素頗有志於濟

物見醫家書每喜蓄之揮使鄭君和

精於小兒醫者也與予友善予和其所

以精於醫之故乃出是書焉予閱是書
之異於尋常也又扣其所以得之之故則
曰相傳舉人得之於古塚中於是求以錄
之鄭君無難色遂以全集授予錄而珍
藏諸笥者有年矣間遇小兒疾按方
試之往往得奇驗一日偕宣城令李君

宗仁詢民瘼會於公所語及是書宗
仁又樂於濟物者也即取而刊之以廣
其傳不數月而成噫予竊祿明時無補
於吾民尚矣使一二孩提之童得因是書
而濟萬分之一於危迫倉卒之際予之素
心寧不亦少慰乎若其為術之高下

明者當自得之蓋不待予言者姑序其所自云

弘治己酉中秋日京闈戊子鄉貢進士
寧國府通判世族濟南朱臣時佐書

小兒衛生總微論方序

余先君有小兒衛生總微論方二十卷家藏甚久今六十餘載矣不知作者謂誰博加搜訪未嘗聞此書之流播也自嬰孩初育以至成童所謂保衛其生總括於微視古今方書極為詳盡仁哉著書者之心也宗族親舊間幼稚有疾余每口傳指授効如影響又取其可以通用於大人者增湯劑而用之尤為裨

異豈此書不言之妙有待於余而發耶烏可
掩為一家之室而不與人共之於是集二三
同志訂正其謄寫之舛銀牙

行在太醫局以廣其傳得此者教而用之當
知余言不繆或未免登蛇添足之譚不暇顧
矣吁有魯大臣史失其名恨不得詳其人也
嘉定丙午立春日和安大夫特差判太醫局
何大任序

小兒衛生總微論方目錄



卷第一

醫工論

稟受論

初生論

回氣論

洗浴論

斷臍論

初生服

藥論

中寒論

臍風撮口論

胎病論

胎氣閉

口禁

胎毒

胎毒

胎毒

胎驚

胎怯

卷第二

五氣論

變不生

語遲

不語

乳母論

慎護論

食忌論

大小論

色紋論

五臟生病論 諸形証 諸死絕

卷第三

變蒸論 脉理論 諸身熱論

卷第四

驚風論上 發後搐 發後陰陽 發後已發搐 發後真偽 發後搐 發後搐

卷第五

驚風論方下

卷第六

驚風別論 發牙 驚風別 發癩 發癩餘証

中風論 心肺中風 風症 中風角弓反張 中風口眼喎斜 中風口噤 風瘧不省

卷第七

傷寒論

卷第八

瘡疹論

卷第九

吐瀉論上 吐瀉見 傷食吐瀉 冷熱吐瀉 傷風吐瀉

卷第十

吐瀉方下 吐瀉後證

卷第十一

八痢論 脫肛論

卷第十二

五疳論

諸疳虫動

諸疳雜証

卷第十三

虫動論

食氣積癖論

卷第十四

心腹痛論

盤腸 脹病論

腫病論

虛羸論

咳嗽論

停飲

痰涎

卷第十五

黃疸論

客忤論

三疰

虫毒

夜啼論

諸汗論

不語論

渴論

諸血溢論

卷第十六

寒熱論

瘡論

弄舌論

鬼病論

骨蒸論

腹皮青黑論

難乳論

大小便論

五淋論

遺尿論

卷第十七

癩疝論

陰腫生瘡論

脹氣論

顛

門腫凸論

滯頤論

腸癰論

針刺論

梗喉論

疣子論

虫咬論

藥毒論

墮隊論

卷第十八

頭病論

頭瘡 軟癩

耳病論

耳聾 耳鳴

耳痛 耳瘡腫

眼目病論

目別論

鼻病論

鼻寒 鼻痒

鼻腫 鼻癢腫

面瘡論

唇口病論

牙齒病論

舌病論

卷第十九

咽喉論

項癭論

核癭論

龜背論

龜背論

手脚拳癱手論

風痰癩疹論

疥癬論

金瘡論

破傷風

湯火傷論

卷第二十

疔瘡論

癰癤論

惡瘡論

浸淫瘡論

風濕瘡

爛漿瘡論

魚脰瘡

癩瘡論

漆瘡論

月蝕瘡論

水毒論

蠟螻瘡論

赤遊腫論

諸丹毒論

鱗體論

疔疔論

小兒內外各科一百七十症

小兒衛生總微論方目錄終



小兒衛生總微論方卷第一

醫工論

凡為醫者之道必先正已然後正物正已者謂能明理以盡術也正物者謂能用藥以對病也如此然後則事必濟而功必著矣若不能正已則豈能正物不能正物則豈能愈疾今冠於篇首以勸學者

凡為醫者性存溫雅志必謙恭動須禮節奉乃和柔無自妄尊不可矯飾廣收方論博通義理明運氣曉陰陽善診切精察視辨真偽分寒熱

審標本識輕重疾小不可言大事易不可云難貧富用心皆一貴賤使藥無別苟能如此於道幾希反是者為生民之巨寇

凡為醫者遇有請召不擇高下遠近必赴如到其家須先問曾請不曾請師即問曾進是何湯藥已未經下乃可待知虛實也如已曾經下即虛矣更可消息參詳則無誤矣又治小兒之法必明南北稟受之殊必察土地寒溫之異不可一同施治古人最為慎耳

稟受論

人稟父母精血化生故內經有曰陽施陰化謂
之有子聖經言方其受授之初一月血凝二月
胚胎兆三月陽神而魂四月陰靈為魄五月五
行分五臟六月六律定六腑七月七精開竅八
月八景具全九月氣足象成十月百神集備至
日滿而生也又云一月如赤露二月若桃花三月形象成四月男女分五
月筋骨全七月寤生而動左八月氣長而動右
九轉知其明是而生此轉知其明是
之也有謂之胚者以其未成為器而猶坯也有
謂之胞者以其已為正陽而陰包之也有謂之
胎者以食於母而為口呂也有謂之娠者以其

有時而動也有謂之懷者以其有身而依也原
夫此衆者皆陽始陰任在有形之先次由五行
而後化成也故曰陰陽具而五行立矣且陰之
所任者壬也一陽壬兆則人乃肇生命門主生
氣之原精所藏為壬陽水也合丁之陰火而生
丙故有命門然後生心心主血神所藏為丙之
陽火合辛之陰金而生庚故有心然後有肺肺
主皮毛魄所藏為庚陽金也合乙之陰木而生
甲故有肺然後生肝肝主筋魂所藏為甲為陽
木合己之陰土而生戊故有肝然後生脾脾主

肉意所藏為戊為陽土合癸之陰水而生壬故
有脾然後生腎腎主骨志所藏為故腎與命門
一也此陰陽五行夫婦生化自然之理也人之
賦稟自受氣至胎化自成形至生養亦皆由焉

初生論

兒既生出母腹中急當舉之便以綿絮包裹抱
大人懷之溫暖雖暑月亦不可遽去綿絮須漸
漸減去之蓋乍出母腹中不可令冒寒也又急
以綿裹手指指拭兒口眼中及周圍穢血皆令
盡淨不可令入口眼也若舉遲失於包裹則令

兒中寒若穢血得入口眼則令兒生病其証候方論並在後

回氣論

兒既生出母腹中哭聲遲者急以葱白細鞭其
背呼父小名即啼又見既生下氣欲絕不能啼
者必是難產或冒寒所致急以綿絮包裹其兒
頓放大人懷中溫暖若已包裹須更添之令極
溫暖且未得斷臍將胞衣置炭火上燒之仍撚
大紙脚盛蘸油點著於臍帶上往來徧燎之以
臍帶連臍得火氣由臍入腹故也更以熱醋湯
將洗臍帶須臾則氣回啼哭然後如常洗浴斷

臍此法甚良救者甚多

洗浴論

兒終生下須先洗浴以蕩滌汗穢然後乃可斷臍也若先斷臍則浴水入臍而為臍瘡等病及浴水須入藥預先煎下以瓶貯頭臨時煖用之不犯生水即佳并已後浴之亦用藥煎湯揀所宜時日則大良矣凡浴宜用寅卯酉日若初生不值但於日中選此三時如時亦不值唯忌壬午丁巳癸巳日時大凶而與避之餘皆可也今具煎湯用藥下項

用猪膽汁湯浴兒則不患瘡癬皮膚滑澤

用金銀虎骨丹砂煎湯則癬疔惡去驚脾

虎骨亦得用李葉切半升煎湯則解肌熱去溫壯

用白芷二兩苦參三兩挫碎煎湯則去諸

風用蒴藿葱白葫麻葉白芷藁本蛇床子

煎湯退熱

用苦參黃連猪膽白芫杉葉柏葉楓葉煎

湯去風

用大麻仁苓陵香丁香桑葉藁本煎湯治

諸瘡

用金銀挑奴堆黃丹砂煎湯則辟邪除驚
用益母草煎湯治疥癬諸瘡

凡煎湯每用水一斗入藥煎至七升去滓適寒
溫用之冬不可太熱夏不可令冷須調停得宜
乃可用之兒自生之後須依時洗浴以去垢污
又不可教、若都不洗浴則皮皺毛落多生瘡
疥凡洗浴時於背上則微、少用水餘處任意
即不可極淋其背亦不可久坐水中則引驚作
病切須慎之如常能依法用之令兒體滑舒
暢血脉通流及長少病無不驗也

斷臍論

兒生下須當以時斷臍若不以時斷臍者則令
臍汁不乾而生寒為臍風之由斷臍之法當隔
單衣以牙咬 斷之將煖氣呵七遍若用刀斷
之須用剪刀先納懷中煖透然後方用不得便
用冷刀多致傷臍生病宜切戒之其斷臍帶當
令長至足趺或云當長六寸若太短則傷臍令
兒腹中不調若太長則傷肌令兒皮枯鱗起經
斷臍訖須用烙臍餅子安臍帶上燒三壯炷如
麥大若兒未啼灸至五七壯灸了上用封臍散

封裏之法須槌治帛子令柔軟用方四寸許上
置新綿厚半寸及上置藥末適緊慢以封之如
不備其藥即用極細熟艾一塊置於上封之但
不令封帛緊急則令兒吐塊又須常切照額
勿令溫著及襁褓中亦不可令兒尿濕恐生瘡
腫及引風也

烙臍餅子

豆豉

黃蠟各分

射香少許

右以豆豉為細末入射研均鎔蠟和劑者
大小捻作餅用

封射散

雄鼠糞

七枚兩頭尖者是

乾姜棗大

旣帶

綿子許三

綿灰

半兩別燒稱

緋綿

灰

別燒稱

胡粉

三錢

射香

少許

右同研極細末每用半錢至一錢傳臍上封
之永不患臍瘡腫如已因風濕患瘡腫者看
臍帶落与未落依此用藥便差

兒已封裏臍了一切如法得數日許忽然怒

啼似衣中有刺者此乃臍燥还刺其腹故也

當与解之易去故帛藥物更換裏之如無此

證亦於十日許解視換時須避風冷若遇冬

月左右置火於溫暖處換之至於尋常換衣用粉亦當如是若失於照顧致傷臍患者具方後

治小兒初生臍未落時腫痛水出

右取故緋絹燒灰研細末傳之

治小兒臍中汁出不止赤腫

右以白石脂為細末炒令微煖傳之日三四

治小兒臍瘡

右以甌帶燒灰研細末猪膏和傳或以桑白皮汁傳乳上吮兒飲

又方以東壁上土傳之治歷年不差者伏龍肝

亦得

又方以當歸為細末傳之以不差者用之神效

治赤腫或膿血清血出者

又方以馬齒莧葉燒灰研末傳之或以露蜂房

燒末傳之

又方以乾蚶殼火煨為灰研末傳之佳

又方以黃蘗為細末傳之治以不差者

治小兒臍赤腫

杏仁半兩猪頰車骨中髓七錢半

右先研杏仁極爛和髓傳之一方研杏仁

如脂和体中膏傳

治小兒因剪臍傷外風致臍瘡久不乾

白礬煨

白龍骨煨等分

右同研為細末傳之少用如無兩味但得一味亦可

又方以綿燒灰研為細末傳之新舊皆可

治小兒臍瘡濕不差若至百日即危極胡粉散

胡粉煨

乾姜煨研

白石脂燒存性秤一分細研

右同為細末每用一字或半字傳上

凡小兒患臍瘡未愈不可乳令大飽大飽則令臍風

相視壽夭論

兒生下洗浴斷臍之後當視其壽命長短成人不成人

兒生身不收者死

兒生魚口者死

兒生股間無生肉者死 兒生汗血者死

兒生頤下破者死

兒生囊下白或赤者皆死

兒生陰不起者死

兒生身如凝血若無皮膚

兒生臍小者不壽

兒生聲絕而復揚急者不壽

兒初生目自開者不成人

兒初生頭四破者不壽

兒初生啼聲散者不成人

兒初生身軟如無骨不成人

兒初生啼聲深者不成人 兒初生頭毛不周不成人
 兒初生汗出不流不成人 兒初生小便凝如脂膏者不成人
 兒初生常搖手足者不成人 兒初生枕骨不成能言而死
 兒生膝骨不成能行而死 兒生掌骨不成扶杖而死
 兒生踵骨不成能行而死 兒生臑骨不成能立而死
 兒初生陰大而身色同者成人 兒初生胎中無空者成人
 兒初生啼聲相連延壽者 兒初生外下縫通連而黑者壽
 兒初生身體解白而長大者 兒初生額上有旋毛者壽
 兒初生日視不正數動或哭而射者非佳人
 兒初生髮稀少者不聽人教

初生服藥論

兒初生出母腹措拭口眼淨洗浴了斷臍畢裊
 包訖且未得與乳當用好甘草一中指節許擘
 碎以水三錢殼煎二錢殼以綿纏指蘸與兒吃
 之若吐出惡汁為佳若服二錢殼不吐即無穢
 物不須更服也此法不問兒虛實注怯皆須服
 之次看形色若面色紅潤啼聲響快者用擘破
 黃連以湯浸取濃汁調珠砂末抹兒口中打盡
 腹中旧糞方可與乳又法以來粉半錢旋、吃
 兒良久臍糞乃下為佳故聖濟經云凡兒初生

惡血未納者拭以綿指吞而在膈鬲者吐以甘草入而在腹內者利以黃連永粉皆所以草污穢也次用好硃砂一大豆許細研水飛煉蜜一蜆殼看稀稠和膏分三劑每用一劑乳汁化時時滴兒口中三日內服盡即止姚和衆云成煉硃砂能溫腸胃壯血氣也一日只可一豆許勿得過也分三次用次用真牛黃一大豆許細研以煉蜜酸棗大和成膏每用一大豆許乳汁化下時滴兒口中姚和衆云能去驚辟和惡之氣若兒形色不實怯弱者不宜服之如胎熱或身體色

赤黃者宜多服此法在三日外也

中寒論

兒總生卒遲或斷臍脫者令兒胃冷故寒中之也又先斷臍後洗浴則水氣得入之或洗時水氣所干亦為中寒之候其證腹中絞痛大亂啼呼面青黑尿清白當以當歸末為粉著于絮上灸而熨臍腹日、頻熨至啼止臍乾為度仍不可灸令大熱恐引驚也

初生不乳

初生洗浴斷臍糊包革穢污下臍糞都了經日

不飲乳及不小便者此因難產或包裹舉遲中
寒或被風邪微干傷動臟氣所致有此候者多
為撮口治不可稍緩

通關散治初生兒不飲乳及不小便

以石銀器中貯妳汁二合入四破葱白一寸

煎取一合藥注子分灌之服盡立效

臍風撮口

兒白初生至七日內外忽然面青啼聲不出口撮
唇緊不能哺乳口青色吐白沫四支逆冷乃臍
風撮口之證也此由兒初生剪臍不定傷動或

風濕所乘其輕則病在皮膚而為臍瘡不差其
重則病入腑臟而為臍風撮口亦如大人因有破
傷而感風則牙關噤而口撮不能入食身鞭四
支厥逆与此後頗同故謂之臍風撮口乃最惡
之病也千金有曰小兒忽患臍風撮口者百無
一活皆坐視而斃良可憫惻有一法極驗但世
罕有知者凡遇其患則看兒齒斷上有小泡子
如米狀急以溫水蘸熟綿子裹手指輕、擦破
即口便開而安
又方視小兒口中上下斷間若有白色如荳大

許便以指甲於當中掐之自外達內令匝至微
有血出亦不妨又於白處兩邊盡頭亦依此掐
令內外氣斷不必直破入指甲矣恐太甚則傷
兒此二法相類子母秘錄云於指破處以蜈蚣
末傅之大良及有治方集之後凡兒產時諸物但令開口易
閉以厭撮口也

治小兒斷臍之後不慎照管致風濕所乘令兒
不能乳哺名曰臍風宜速療之不久則為撮口也

當歸

去頭半兩洗淨

天漿子

去殼三

亂髮

一錢燒灰

右為細末入射香一字許時、傅臍

又方

黃藥

剉

釜下墨煤

亂髮

燒灰存性

右各等分同為細末用一字或錢傅之

治小兒臍瘡不差因風傳變欲為撮口或為發毒
金兩黃散

川黃連

去頭一分為末

胡粉

麝香

龍骨一錢煨紅研

右同為細末每用少許傅之時、用

治小兒剪臍中風唇青撮口吐白沫四支冷

定命散

赤足蜈蚣

半條酒炙

龜川烏頭尖

三生

射香

右為末入射研勻每服半字煎金銀藟荷湯調

治小兒初生撮口

蛇蛻皮一分微炒 麝香一分 乾蝎稍一分已上

硃砂分別研水飛 射香半錢別研 真牛黃半錢

右同研細拌勻再研每服一字取竹瀝一
兩點同乳汁調灌下一方只○蛇蛻硃砂
射香各一分每用半字津調塗口中呈七次

又方以鹽豉置臍上灸之

又方以夜合花枝濃煎汁拭口并洗

又方於兒口傍先利令見血碎雀甕汁塗之

又方生擣鼠婦并雀甕汁相和調塗抹口中漸

漸乳得効鼠婦乃濕生虫也

胎中病論

兒自生下至一臘前後有病者多是未生之前
在母胎妊之時母食毒物胎有所感至生下之
後毒氣發而為病又有母於娠妊之時失於固
養氣形勿克疾亦因之故聖濟經言病生於中
者与生俱生也今叙于後

梗舌

兒純生出母腹因与措拭口中惡物便子細看
兒口中如有皮膜似蘆葦管中之膜裏定見
舌或連舌根者此名梗舌乃胎毒所攻而生或

母於娠妊時愛食飛禽之物感而所致便瀕急以脂甲刺破剥去之指拭血淨用燒白礬末○礬末傳半菘豆許若不摘去則梗其舌而不能語令兒啞也及日數多亦不能去也

氣閉 兒初生一兩日間有大小梗不通腹脹滿而欲絕者此胎毒之氣鬱閉所致也便急令一婦人用溫水先漱口了後吸啞兒前後心并臍下及手足心共七處各五七次以赤○紅色為度瀕更氣散則自通矣不尔即無生意也
有此候用此法可謂再生也

鵝口 兒自初生至七日內外因胎毒上攻於舌上生白屑如米連口兩角生黃瘡及舌下有膜如石榴子大令兒声不發者名曰鵝口
治小兒鵝口保命散

白礬一分燒

馬牙硝半兩研細

硃砂一分研細

水飛乾

右同研勻細末每用一字取白鵝糞以水

攪取汁調之先以手指纏亂髮指拭兒舌上

口角頰中去垢穢淨然後用藥傳之令遍纏

髮指時以井花水沾用或以綿纏指頭沾粟

茨汁用

治小兒鵝口不能乳

以馬牙硝研細遍搽舌上下兩頰口角內外
患處日三四次

又方以桑白皮汁和胡粉傳之

又方以雞胗中黃皮燒灰研細乳和傳之

又方以白鵝矢汁灌口中又方以黍米汁傳之

又方以金蠋七枚先用薄荷汁浸過後用薄荷

七葉裹之文武火炮過焙令乾研末更入黃丹

同研勻細熟蜜和為膏傳病處

出癰 見自初生至七日內外因胎毒上攻血

氣不歛兒口中上嚔連喉舌生物如芡籜盛水

之狀或作疱在懸癰之前塞其氣路不通令兒

危殆名曰出癰又見生下即死者多此病也人

少知之當急視之凡遇是病便以指甲摘破或

以綿纏長針留尖如粟米許刺之令兒氣泄

則活其疱破則出青黃血水便用帛子搵拭及

用鹽湯蘸帛擦揩令淨若入喉即傷兒慎之

如一刺復作者再刺

治出癰如聖散

鉛霜一分研細 真牛黃一分研細 大陰玄精石一分研細

硃砂一分研細水飛日乾

右件再同研勻入白龍

腦細末半錢相和每用抄一字至半錢搽兒鼻

重囁重囁重舌見初生至七日內外因胎毒上攻

於兒口中若發於囁上作腫作兩重之狀名曰

重囁若發於上下齒斷兩傍腫如壘斷者名曰

重斷若發於舌上腫起初更生一小舌者名曰

重舌腫悶作痛今兒多啼不能哺乳而妨礙

治重囁重斷 右以蛇蛻皮燒灰研細末傳之

又方治如前 右以生蒲黃末傳之

烏鰂骨散治重舌腫悶妨礙吃乳

烏鰂骨二兩乾蟻娘半兩燒灰蒲黃半兩枯白礬二兩

右和研如粉每用半錢以雞子黃調塗腫上藥

又方治如前 右以蛇蛻皮為末乾捻傳舌下

患處不一時便消不能飲乳者用之得○飲或

以雞羽蘸淳醋展藥掠舌下

又方以木蘭皮長一尺廣四寸削去公鹿皮以醋

一升漬之取汁注患處

又方以伏龍肝研細末牛蒡汁調傳或以冰魚鱗

又方以馬牙硝末塗舌下日三

又方以三家骨肉切如指大以摩舌上

又方以黃丹豆許納管中吹舌下

又方以蒲黃傳之不過三次差一方微○炒以

紙鋪地上出火毒研羅細末先用溫水蘸帛裏

指輕、按掠後摻藥

又方以桑白皮煮膿汁塗乳上吮兒

治重疔悶欲死

右以亂髮燒灰研細末以傳舌下頻用或燒髮其皮傳上

又方治如前以鹿角炙適溫熱熨之或如米粒大安舌下

又方以小豆煮汁和鹿角灰傳之日三或赤小豆末醋和傳舌上

又方以露蜂房燒灰研細末醋和膏傳之

蕁瘡 兒自初生至七日內外因胎毒攻發身

生瘡者名曰蕁瘡謂在產草上生瘡也

治蕁瘡 右以黃連為細末先用生麻油塗盡

子內將黃連末遍摻油上倒合在鉢三脚子上

下用艾葉火熏令極乾刮聚入生油膩粉各

以許和膏傳之

又方以澤蘭心細嚼傳之 又方以葵根燒灰傳之

治小兒初生三日頭面生瘡緣起身體壯熱多毒

升麻 柴胡去苗石膏各分甘草 當歸去頭各半兩

右咬咀每服一錢水半盞煎至二分去滓時

時与量兒大小加之

治小兒初生毒中生熱瘡

右以鷄子五枚敲破去白只取黃又以龜髮如鷄子黃許二味相和銚子中煎熬取汁壅之更用苦參末傳之甚奇劉禹錫云項在武陵生子毒內便有熱瘡發於臂腿蔓延半身初用他藥無益狀候至重晝夜啼號不乳因閱本草有云亂髮合雞子黃煎消為水瘡小兒驚熱下痢注云去痰熱百病又雞子本草云療熱瘡因用之立効如神煎法雞子黃亂

髮初入銚煎時甚乾少頃髮焦遂有液出旋取置一磁碗中以液盡為度

口噤 兒自初生至七日內外忽口噤不能乳腹急多啼下青黑糞或口生瘡如粟米名曰口噤此證牙關急而口噤与撮口相似然撮口證面色青啼聲不出口吐白沫比口噤證面色赤而多啼口不吐白沫所以異也此緣兒在母腹中時為風熱傷胎所致故聖濟經曰風熱傷胎生而口噤也

千金云赤者為心噤白者為肺噤

治初生兒口噤不開不收乳立聖散

時与量見大小加之

治小兒初生尊中生熱瘡

右以鷄子五枚敲破去白只取黃又以龜髮如鷄子黃許二味相和銚子中煎熬取汁塗之更用苦參末傳之甚奇劉禹錫云項在武陵生子尊內便有熱瘡發於臂腿蔓延半身初用他藥無益狀候至重晝夜啼號不乳因閱本草有云亂髮合雞子黃煎消為水瘡小兒驚熱下痢注云去痰熱百病又雞子本草云瘡熱瘡因用之立効如神煎法雞子黃亂

髮初入銚煎時甚乾少頃髮焦遂有液出旋取置一磁碗中以液盡為度

口噤 兒自初生至七日內外忽口噤不能乳

膈急多啼下青黑糞或口生瘡如粟米名曰口噤此證牙關急而口噤与撮口相似然撮口證面色青啼聲不出口吐白沫比口噤證面色赤而多啼口不吐白沫所以異也此緣兒在母腹中時為風熱傷胎所致故聖濟經曰風熱傷胎生而口噤也

千金云赤者為心噤白者為肺噤

治初生兒口噤不開不收乳立聖散

乾蜘蛛

去足口取新竹漚二中規

乾蝎稍七箇

為末膩粉

用

右同研勻細末每服一字乳汁調

滴兒早時用

又方以鹿角粉大豆末等分研細乳和

乳上以

又方以生甘草一分細剉水盞煎至六分去滓

放溫分數次灌兒口中令吐出痰涎穢物後取

猪乳汁点兒口中差亦治撮口

又方以真牛黃少許研細淡竹漚調一字灌之

次以猪乳滴口中

又方以赤足蜈蚣去足炙黃為末以猪乳調半

錢分三四次溫灌之一方同雀甕不開口者五

枚燒灰研細末飲調服壹字

又方以白殭蚕二枚為末蜜和傳兒口內如無

以原蚕鵝二枚炙黃代之亦治撮口

又方以雀矢白水和圓麻子大乳服二圓雞

矢白亦佳一方雞矢白棗大綿裹水五合煮二

沸分服治小兒口噤体熱

右以青竹茹三兩醋一升煎取三分之一溫分服

治小兒口噤牙關不開

右以天南星一箇煨熟急用紙封角莫令透

氣却以紙裹近上尖處翦一竅子雞頭大令

熱氣出於鼻孔中熏之牙關立開亦治撮口
軀啼 兒自初生已來身色青白無血色好啼
哭晝夜不止身體仰而軀夜則甚腹滿不乳大
便青白晝夜 啼諸藥不効者此名軀啼乃兒
未生已前在胎胞中時為風冷傷而所致故聖
濟經曰風冷傷胎生而軀啼千金有云小兒有
胎寒則腹痛軀啼時吐乳或腹中如雞子黃
按之如水声便沒、而後出不急治多變為癩
治小兒胎寒軀啼養藏湯

當歸去芦兩沉香 丁香 白朮 桂心 川芎 芍藥

右為細末每服一錢水一盞姜二片煎半盞去滓滴兒鼻

治小兒忽患腹痛夫矯汗出者亦胎寒也 出千金

右以藜葉煮濃汁七合分三四次服

又方以當歸為末每用一小豆許乳汁調下日
二夜一病兒大添之

又方以栢子仁為末每服一錢半溫水調下

治小兒胎寒軀啼發癩礬砒石圓

右以馬齒礬砒火煨半日為末棗肉和圓黍米

大每服一圓乳汁送下量兒大小增損以

差為度有痰亦去神良

兼腹脹不嗜食大便青黃色

血癖又名胎積兒未生之前在母腹中藉母經血

以滋養焉至生下時須拭去口中惡血及用

藥下盡兒腹中穢血之糞方總飼乳若於生

時措拭兒口中惡血不淨吞嚥入腹或腹中

旧有穢糞不曾下之或下之不盡因而成癖

故名曰血癖又名胎積至生下百日内外兒

生頭瘡眼目赤澁小便如血口中氣急身

紫色腹脹躁煩多啼不乳

治小兒血癖胎積丸

白丁香二錢 輕粉一錢 滑石一錢 麝香一錢 巴豆三

箇箇串灼上燒
焦微存性

右為末糊丸黍米大每一二九看

虛實大小与服煎柳心七箇湯放温送下連一

二服糞下惡物是効亦令乳母服和氣藥調養

飼兒若兒服藥後吐不止大便不通面黑氣喘糞

胎赤 兒自生下至開眼已後眼兩眦及臉

赤爛名曰胎赤此因兒生時稍難畜帶時久或

不慎照顧致惡血入於兒眼又或生下時措拭

兒眼邊惡血不尽亦令入兒眼漬滯以生是病

不急治之則至長不差

治小兒胎赤眼二金散 黃連去須一錢 黃蘗一錢

右先為龕末用妳汁同浸一宿焙乾收之每用
少許以新綿裹荅湯浸之放溫時頻洗
胎驚見在母腹未生之前因有所驚胎內感
之至生下百日以來兒心神不寧睡卧不醒壯
熱躁煩啼哭無時上視突搭面青腰直撮口縮
腮糞青黃水者此名胎驚方論著於驚馬疾門
之中胎怯兒自生下以來面無精光肌肉
脆薄大便白水身無血色特嘔氣多噦目黑
睛少羸疋多哭此胎怯也宜天麻浴湯治之
胎肥兒生下肌肉厚遍身血色紅潤至滿

月以後漸肌瘦目白睛粉紅色五心熱大便
難時生涎此胎肥也更者父母肥瘦肥不可
生瘦不可生肥治亦宜天麻浴湯

胎熱兒生下有血氣時叫哭身壯熱如淡茶
色目赤大便黃赤糞稠急食乳此胎熱也
治小兒胎怯胎肥胎熱等諸疾天麻浴湯

天麻二錢 散尾去毒為末 硃砂末銹半 白礬末射香
烏蛇肉酒浸去皮焙乾 青代黑末各三錢

右為末勻每服三錢水三碗桃枝葉五七條
煎十數沸帶熱浴之勿得浴背湯須適溫

治小兒胎熱或乳母飲食鹿惡辛苦乳汁不起
見色如淡茶黃色瘦瘠不為肌膚四支痿痺是
繚矣服之充悅健壯

為藥二兩半柴胡去苗兩釐甲 茯苓去黑皮各

人參去芦 大黃 各兩 甘草 乾姜各半兩如熱

右為末煉蜜和丸大豆大百日至一歲兒服

一丸乳服日二量兒大小增減

不治病

胎內十二證 一雙瞽 二隻眇 三駢拇 四六指

五体殘 六支廢 七獨腎 八瘠唾 九缺唇

十杜老 十一孿拳 十二侏儒

胎外十二證 一睛凸 二近視 三鼻龜

四耳返 五結喉 六項慶 七舌短 八筋彈

九龜背 十駝背 十一膝並 十二交脛

小兒衛生總微論方卷第一

小兒衛生總微論方卷第二

五氣論

兒自胎孕以至生成皆稟五行而分五藏故自五氣以生五態而各不同聖濟經言五行孕秀有異宜五態委保有殊氣沖和均賦體性潛異者蓋母氣胎育有盛衰之虛實故其子生也有剛柔之勇怯又經云心氣虛而語晚肝氣微而行遲脾氣弱而肉瘠腎氣怯而解顛如此之類悉皆是矣然五藏之氣稟受殊異其於怯弱者聖人亦有方藥以補養之矣

心 心氣盛者則伶俐早言笑形神清而多髮心氣怯者則性癡而遲語髮久不生則不黑心主血髮為血之餘怯則久不生也心繫舌本怯則語遲
治小兒生下無髮 以鯽魚燒灰末和蜂蜜傳之聖
治小兒髮久不生 荳勝丹

當歸 去芦二兩 生乾地黃 去毒二兩 芍藥 病已上並為

荳勝 一合別研 胡粉 半兩別研

右同研勻細煉蜜和丸黍米大每服十粒煎黑豆湯下兼化塗頭上量大小用

又方以楸葉中心子杵爛絞汁塗之

又方以羊屎燒灰淋汁同豉汁洗之三日一次不過去即
又方治血熱髮薄不生以桃柳煎湯入猪膽汁
和沐頭髮自生

治小兒心氣不足從小至數歲不能言昌蒲丸

石昌蒲錢人參去茅焙半兩丹參去心天門冬

去心焙兩麥門冬去心焙兩赤石脂家

右同為細末煉蜜丸菜豆大溫水下五七丸

至十餘丸量大小增損日三次服取効為度無時

又方昌蒲一兩寸九節者良遠志甘草水煮桂心一兩

黃耆兩人參兩黃連去須兩酸棗仁湯浸去

皮半兩

右為細末煉蜜和丸如雞頭實大每服一二

粒煎生姜湯化下無時又灸法灸心俞三壯

灸兩足踝三壯又方治五六歲不語此心

氣不足舌本無力不能發轉故也一云風冷

傷於少陰以赤小豆為末酒和塗舌神効

以社壇餘酢酒与飲少許

肝 肝氣盛者則躄健而早行立肝氣怯者則

長不能行而脚細名曰鶴膝肝主筋怯則筋弱

故長不能行也又或眉久不生眉屬肝肝氣不

榮故眉久不生也何以知眉屬肝且五臟皆有

毛其髮屬心心為火火性炎上故髮生上捨也
鬚屬腎腎為水水性潤下故鬚生下順也是以
女人比日無外腎故無鬚也毛屬肺肺在五臟之
上而主外故毛生皮膚之外也眼睫屬脾眼輪
亦屬脾之在右偏故睫斜生眼輪之上也眉屬
肝之在左偏故眉斜生眼睫之上也左為上右
為下所以眉在上而睫在下也

治小兒從小至數歲不能行麝茸丹經大驗

射香研茄茸酥塗炙黃生乾地黃去苗土

虎脛骨酥塗炙黃當歸去苗洗焙黃耆目劉各半兩

右為細末用羊髓二兩煮爛和丸黍米大每

服十九丸摩沉香湯送下乳前日三服

又方羚羊角丸用尖細節蜜者錯取末虎脛

骨敲破塗酥炙黃生乾地黃去苗焙酸棗仁去皮炒

白茯苓去黑皮各半兩桂去粗皮不得見火防風去苗切焙

當歸去苗切焙黃耆切焙各一分

右為細末煉蜜和劑每用一皂子大食前溫

水化下日三兒大者加之

又方以五加皮為末飲服之取葵家未開戶盜

食哺之日三便能起行

又灸法小兒自小至五歲不能行者灸兩足踝各三
又灸法小兒鶴膝脚細不能行者灸膝眼三壯
治小兒生下無眉毛欲得生者

以七月中採烏麻花不拘多少陰乾為末以
生烏麻油浸每夜傳之

治小兒眉毛眼睫因癬退不生名乳頰癬赤芝散

野油花旋覆花是也赤筴天麻苗防風去芦各等分

右為細末先洗癬淨搵乾以好油調塗之後服烏犀

犀末麩猪牙皂角麩末乾蟾末龍腦少許

右為細末熊膽汁和丸菘豆大每服一九溫水少量亦

脾虛汗脾氣盛者肌肉厚而色紫耐壯而乳多
脾氣怯則肌虛而喜汗汗多則肉瘠脾主肌肉
怯則肌虛之則榮衛衰故汗多而肉瘠也

治小兒脾怯多汗丁香散

陳皮二兩青皮去穢訶子肉去核甘草略半丁香五

右為細末每服二錢水一盞煎六分食前溫服忌食

治小兒喜汗香瓜丸

大黃瓜黃色出川大黃溫帶裏胡黃連煨而焦紫胡去

青皮去穢嫩魚甲醋炙黃黃蘗去麩皮芫荽葉各

右將黃瓜割頂去瓢以諸藥為細末填水

內至滿却將頂蓋口杖子簽定慢火內煨熟取藥并瓜研之如皮研不爛則去之乾却入麵糊和丸菘豆大每服三二丸乳後冷漿水下見大便粉法 黃連去須牡蠣火煨 貝母各七錢

右為細末以米粉一升同研白粉身午丁香散同用

肺 肺氣盛者肌膚瑩白滑膩髮細黑淺肺氣怯則肌膚沮敗若無皮而血凝故寶鑑亦名血凝孫真人言小兒出腹肌肉猶是血也漸一堅化肺主皮膚肺氣不克則血沮敗不成肌膚故若無皮毛而血凝面目繞鼻口悉黃閉目撮面

口中乾燥四支不能伸縮哭無声不吮乳此皮毛不歛也多是不育千金治以龍膽湯方具于後治初生男血凝皮肉不歛哭無声不吮乳

以胡粉研細酒和塗之乾即再

又方以白殭蚕為末煎湯適寒温浴之又灸法初生兒血凝

以臍四边各去臍半寸并鳩尾下五処各灸七

腎 腎氣盛者顙小而合早牙齒早生腎氣怯者解顙而顙不合牙久不生則不固面慘目睛多白腎主骨髓腦為髓海怯則腦髓不成故

顛解而不能結解也顛不差而百病交攻極難將
護此最為大病矣又腎主骨牙乃骨之餘怯則
牙文不生也 治小兒解顛玉乳丹

鍾乳粉依法煉者半兩 熟乾地黄 依法蒸者半兩

栢子仁半兩當歸 去芦半兩 防風 去芦分對 補骨

脂一分揀淨微炒或加黃老目茯苓亦得

右為細末入鍾乳粉栢子仁拌勻煉蜜和丸

黍米大每服十九煎茴香湯送下乳後

又方 細辛去苗 桂心 各半兩 乾姜 七錢半

右為細末以乳汁和傳縫上乾即後傳兒面赤 即愈

又方以蛇蛻皮炒焦為末用猪頰車骨中髓○

調傳縫上日三一方只用猪頰髓

又方以馱蹄燒灰研細末生油和傳縫上以養為度

治小兒顛不合 生蟹足骨半兩 白欬半兩

右為細末以乳汁和貼縫上

又方以龜甲煮湯適寒溫漬之不得用黑者

治小兒顛不合鼻塞不通

以大天南星微炮去皮為細末淡醋調攤

緋帛子上貼之仍炙手熱頰熨立効

治小兒顛不合顛腫顛陷並主之

蛇蛻皮

半兩燒灰

防風

去芦

白芨

大黃

濕帑裏燒焦各一分

右為細末入青黛一分同研極勻每用半錢用獾猪膽汁調勻將紙一片依大小長短剪一蒂花子攤藥在上仍於四邊各留少白紙用淡醋糊塗徧以貼病上不住以溫水潤動一伏時換一方防風兩半栢子仁白芨各一兩為末乳汁和傅顛上十日知二十日愈日一易之又法治小兒解顛顛不合作頭巾与裏裏遮護之久而自合千金云良法也治小兒齒久不生

以雄鼠屎三十枚日一枚拭齒斷即生其屎

兩角尖者乃雄鼠屎也一云用雌鼠屎

兩頭圓

又方以黑荳三十粒於牛糞火內燒令煙尽細

研入射香少許再研勻細用針挑不生齒處

令血出以藥末指上不得見風忌醋多年不

生者用之極効

又方以屎坑中竹木正旦刮屑塗之即生

乳母論

乳生自乳養者一切不論若令乳母乳養者必擇其人若有宿疾狐臭癭癭上氣喘嗽疥癬頭

瘡龜背駝背鼻鼈緊唇痴聾啞顛狂驚癇疽
癰等疾並不可令乳兒也

凡乳母乃血氣化為乳汁則吾惟善惡悉由血
氣所生應喜怒哀飲食一切禁忌並宜戒慎若縱
性恣意因而乳兒則令兒感生疾病也若房勞
乳母則令兒瘦醉交脛不能行若醉以乳兒則
令兒身熱腹滿若畜熱乳丸則令兒變黃不能
食若怒作乳兒則令兒驚驚狂上氣若吐下乳兒
則令兒虛羸氣弱是皆所忌也

凡母乳兒乳母當先以手按散其熱然後與兒

吮之若乳驚汗湧恐兒嚙乳不及慮防槍噎
則輒奪之令兒少息又復與之如是數反則
可也又當視兒飢飽節度一日之中知幾乳
而足量以為常每於早晨若有宿乳須當捨
去若夏月不去熱乳令兒吐現冬月不去寒
乳令兒咳利又若兒大喜之後不可便乳令
兒驚癇若兒大哭之後不可便與乳令兒吐
瀉又乳母不可太飽恐停滯不化若太飽則
以空乳令吮則消

凡每乳兒乳母當以臂枕兒頭令兒口與乳齊

乃乳之不可用膊即太高令兒飲乳不快多
致兒噎又乳母欲寐則奪去其乳恐睡著
不竟被乳填沃口鼻別生其他事又且不知
兒飢飽也

凡兒生六十日日瞳子成能識人百日任脉反
覆一百八十日尻骨成能獨坐二百日掌骨
成能匍匐三百日臑骨成能獨立三百六十
日膝骨成能移步乳母常須依時按節續續
教引使兒能會此是定法也即不得常常抱
持過時都不教引致令兒筋骨弛墮又恐成腰膝
之疾也

慎護論

凡乳母慎護養兒乳哺欲其有節襁褓欲其有
宜達其飢飽察其強弱適其襍薄循其寒燠蓋
自有道不可不知也

凡兒自初生至滿月宜常時取猪乳汁滴兒
口中令熱最為佳妙又以珍珠末一大豆許
用蜜一規殼和之分三次或四次每十日內
外与一次塗兒口中安心神鎮魂鬼
凡兒生肌肉未成不可与煖厚新綿之衣當与
故絮帛薄衣若与新綿厚煖則蒸煥生熱筋

骨緩弱故聖經云襁褓者衣欲舊帛綿欲故絮非乃惡於新煥亦資父母之餘氣以致養焉凡乳母若遇天和無風之時當抱兒在日中嬉戲使數見風日則血凝氣剛肌肉硬密堪耐風寒若藏幃帳之內重衣溫煖譬如陰地草木不見風日則脆軟不任易為傷損故聖濟經言重衣溫厚幃帳周密宜與減損甚則傷皮膚害血脉是此多疾也

凡兒常令薄衣雖冬月但令著兩夾衣及衲衣之類若極寒即漸加舊絮衣人家多務愛惜

乃以新綿厚衣溫養過宜適以為害薄衣之法當從秋習之若至來春稍煖頃漸減其衣不可便行卒減恐令兒傷中風寒

凡兒於冬月頃著帽項之衣夏月頃著背搭及於當脊更襯綴一重以防風寒所干謂諸蒸之俞皆在於背故也又常令乳母每日三時摸兒項後筋兩轆之間名曰風池若熱即頃熨之令微汗則愈諺云戒養小兒慎護風池者是也

凡兒於春時不可覆頭裹足致陽氣不得出泄則發熱矣 凡兒常當看觀消息無令身體

有汗若汗出則致腠理虛而以受風寒，晝夜寤寐皆當慎之。須審天氣冷煖，衣複厚薄，及以
凡兒於暑月時常令在涼處，勿禁水漿，但少少
与之唯是不宜多与

凡兒不可抱於簷下洗浴，又不可當風解脫，恐
為寒干，又啼哭未斷，不可与乳，冒冷衝寒，不
可哺飼，恐為食傷。又不可近神佛之前，駟馬
之畔，又不可令兒見怪異之物及各門異戶，
不相識之人，恐為客忤。

凡兒生三日之外，當与少哺，姚和甫云：以粟米

煮粥飲，研如乳汁，每日与半匙，殼許以助穀
神，導達腸胃。孫真入云：以粳米飲七日，外與
三大豆許，慎不可雜與藥。巢氏云：兒生滿
三
十日後當哺少物，如二棗核許，至五
十日如櫻桃許，至百日如大棗許。若乳少當
以意增之，不可多與，恐不能勝，別生病矣。若
乳多不消，哺食者亦須少与，與之以杜腸胃
兒大稍与增之，當有常劑。聖濟經亦云：兒生
三日用飲過三日用哺与之以賴穀氣也。哺
之多少量日為則，如是則五臟得養而胃氣

壯矣今之養小兒者多務愛惜過當徃一至二三歲尚未與食致脾胃虛弱体力怯軟平生多病若在半歲之後宜煮陳米稀粥與之十月以後漸與稠粥爛飯以助中氣則自然易養少病惟忌生冷油膩葷茹甜物

凡小兒乳哺既有常劑若忽尔却乳哺少者此是腹中少有不和也便當與微下之若都不肯食但飲少乳者此傷重要下之不可不下也若不與下則生寒熱或為吐利及為癰積脉大者發癰皆不早治之由也孫真人亦曰小兒寒

熱亦當下之乃差又小兒乳哺不能無痰癖也常當節適之若稍不進乳食便以微藥刻化紫圓最妙方在後不得行駛藥轉利又不得為無事而迂延致病大即難治尔小兒微患便與微下則損不甚而易愈矣若於春夏之時有疾千金云夏後切勿不可妄行吐下及微疾亦不可乱行鍼灸蓋鍼灸傷經絡吐下損府藏故也若誤行轉瀉則使下焦虛而上焦熱變成大病也故巢氏有言小兒春夏自非甚病決定不可吐下者是也

食忌論

凡小兒有不可食之物不可不知今具于後

小兒不可多食栗子令兒氣弱行遲熱食則毒

小兒不可食蕨菜令兒立則無力久不能行

小兒不可食茨令兒不能行

小兒不可食黍米雞肉胡瓜令兒腹中生虫

經方示兒未断乳食雞肉令兒腹生蛇虫

小兒不可食越瓜令兒發痲疾

小兒不可食麥令兒髮落麥是蒼麥也

小兒不可食菟茨令兒脐下痛

小兒不可食鱈魚令兒生癩癬

小兒不可食炒豆猪肉令生氣壅致死

大小論

經言六歲已上者為小兒十八已上者為少年

據此之言則十八已下者皆為小兒也此乃古

之所論尔以今時校之則時世相異理或未當

且礼云男子三十曰壯有室又曰男子三十而

娶是古之男子皆三十已上方娶故十八以下

得為小兒之称今之時則不然男不過十五而

娶至十八已有生一二子者豈得為小兒也以

今時言之當以十四以下為小兒治其十五

已上者天癸已行婚冠既就則為大人治耳

諸般色澤紋證論

經云小兒六歲已還者經所不載有病難治無承拋之也詳之此謂嬰兒未能言者有病則無由問其所苦故無承拋也若能言者必能問之小兒豈有六歲尚不能言者哉其不能言者唯一二歲兒也故先賢言嬰兒未能言者最為幼小有病則肌膚未全寸關不辨變蒸交互氣血細微若馮心診切實難明曉惟在觀其形色參其證候乃知病之所在者矣其觀視之法須要安

神定志勿令情意惑亂不得於兒哭斷之時睡起之際則色不正矣須於夜時之後已時之前夏即未熱冬即未溫外色不雜內氣閑雅乃可向明而觀察之也聖濟經曰通識之士必察剛柔勇怯視其盛衰虛實適以寒溫平以陰陽病之輕重緩急隨證以治之不必蔽於難治也諸所論繁紊難以執拋今採其當者叙而次之

諸色澤候

面上五臟部分色

左頰主肝右頰主肺額上

主心鼻上主脾

頤上主腎色青為風色赤

為熱色黃為食色白為氣色黑為寒也

面上五藏四時色 經言五藏之色皆外榮於

面故死生疾病係為肝主春其色青心主夏

其色赤脾主長夏其色黃肺主秋其色白腎

主冬其色黑是謂五藏之色隨四時各榮於

面也其色不深不淺應常光潤者為和平也

若色重深者其藏實淺淡者其藏虛

面上五藏生死色 經曰滋榮者其色生青如

翠羽赤如雞冠黃如蟹腹白如豕膏黑如烏

羽枯夭者其色死青如草茲赤如衄血黃如

積實白如枯骨黑如炭煤

面上五藏部分相乘色 肝色青者本色也赤

者心乘肝也黃者脾乘肝也白者肺乘肝也

黑者腎乘肝也心色赤者本色也青者肝乘

心也黃者脾乘心也白者肺乘心也黑者腎

乘心也脾色黃者本色也青者肝乘脾也赤

者心乘脾也黑者腎乘脾也白者肺乘脾也

肺色白者本色也青者肝乘肺也赤者心

乘肺也黃者脾乘肺也黑者腎乘肺也腎色

黑者本心也青者肝乘腎也赤者心乘腎也

黃者脾乘腎也白者肺乘腎也

面上五藏四時相乘色 經言青赤見於春赤

黃見於夏黃白見於長夏白黑見於秋黑青

見於冬是謂五藏之生五行相繼也為病輕

若肝色見青白心色見赤黑脾色見黃青肺

色見白赤腎色見黑黃是謂真藏之色五行

相剋也為病重

面目死生色 內經曰凡病面黃目青面黃目

赤面黃目白面黃目黑者皆 不死聖濟經

云脾真為本而面黃必生者以真氣外榮故

也若面青目赤面青目白面青目黑面黑目

白面赤目青者皆死謂無脾色外榮而真氣已絕故也

鼻上色 聖濟經曰鼻端青為腹冷黑為水氣

白為無血黃為胃寒赤為有風鮮明為留飲

目內色赤者心熱淡紅者虛熱青者肝熱淺淡

者肝虛黃者脾熱無精色腎虛

金匱死色 凡小兒病者有黑色滿面或統口

入口或延眉統目或暗人中者皆死有青色

延面連目入耳者死目無精光眼中有物如

橫紅針者死

外臺死色 凡小兒病者面上有青黑色如紗
蓋定從髮際至印堂者不以疾狀淺深六十
日死至鼻柱者一月死至人中者十日死滿面者即死
諸處紋狀候

耳後完骨上有青脈如線三兩路卧不靜者此
癩疾候當刺搗破令血出以為小治若自腫
破者死候也

手大指後白肉魚際之上有筋絡色青黑者胃
中有寒赤黃者有熱赤青黑雜者寒熱若青
而小短者少氣

又手處手大指第二指之間虎口上有筋脈如
線看其顏色曲直以訣其病若紋直者是驚
曲者是傷沉隱為風曲外有冷曲內為食
歌曰虎口青紋直情知四足驚黑色无因水赤
乃火飛禽淡紅人驚發灣紫有傷尋外冷內
為食沉隱定風生長大疾須重短小得安平
但手一义手處病候驗虛真

第一指上爪三節名曰三關小兒有男左女右
看之有八般筋脈紋狀以驗其病名曰八片
節最下一節名為氣關有紋过者病縱竟重

諸病既生則氣不調順故名氣閉也

二節名為風閉有紋過者須發驚風漸加困

重故名風閉也

三節名為命閉有紋過者則病極而命危殆故命

心八魚刺形主初驚在氣閉主壯熱吐瀉在風閉主

初驚終發在命閉驚極難治

歌曰形如魚刺是初驚 遍体如湯面色青

吐瀉躁煩如此 通腸和氣便惺惺

垂針形主瀉痢在氣閉主傷冷吐瀉在風閉瀉

傳驚風在命閉驚傳慢驚風極候

歌曰形如懸針瀉利多 發驚身熱定遠和

此病若變驚風慢 命閉已度是沉痾

米水字形主肺驚在氣閉涎痰咳嗽虛積在風閉

發驚喘更涎在命閉困不治

歌曰形如水字肺家驚 虛積相傳面色青



南上有涎須身治 命閉若過更無寧

乙乙字形又曰中曲主食驚在氣閉主食傷吐痢在風

閉傳變風乙形屬肝肝利于脾在命閉傳慢驚風不治

歌曰形如乙曲病因肝 眼慢驚啼瘈瘲偏

冷積為傷傳變此 慢脾風已度三關

去蛇形主內實外虛  來蛇形主外實內虛  蛇中卷

形內外俱虛此數樣皆曲虫又曰曲蛇在氣閉主

疝積在風閉主勞帶驚在命閉不治

歌曰形如蛇曲病因深 脾積疝勞又帶驚

未過二閉宜早治 若過三閉更莫論

 長者弓形短者環形主疝積在氣閉吐逆疝熱喫泥

土在風閉疝極羸瘦在命閉不治

歌曰形如環弓疝氣黃 好食泥土是尋常

此病早求良醫治 三閉已到命飛揚

 亂紋形主痛在氣閉主氣不和有虫積食諸

生物在風閉主虫咬心腹痛在命閉病因極

難治

歌曰紋亂縱橫虫上尋 曉夜啼號不可憐

神佛求遍都無應 安虫取積得康寧

○珠形死候此候不俱三閉上下見者皆為死候

歌曰琉珠死候不須醫 便是沉痾莫療之

三閉若見都砵望 安排後事更無疑

諸紋總歌 魚刺初驚候 懸針瀉痢多

水紋驚肺積 乙樣是肝訛

曲虫驚疝病 環弓一論過

乱纹虫咬甚 流珠病已病

五藏主病論

諸形證候

肝藏 肝主風肝病實則目有眵哭呵欠頰悶

項急 治當瀉之肝病虛前牙多欠口中氣熱則

外生口中氣溫則内生 治當補之肝氣則搯衣

搯物熱甚則目 直不搯風主動又風淫

未疾熱即風動於四末故手搯衣搯物也熱

入於目牽其筋脉則兩眦俱緊不能轉視故

目直也 治當瀉其心肝有風則目連劄風甚則

身反折強直不搯凡病新久皆引風、動止

於頭目目屬肝風入於目則目上下左右如

風之吹不輕不重兒不能任故目連劄也風

甚則風入於筋脉筋脉緊急故身反強直也

治當瀉肝補腎 肝有熱有風甚則皆兼驚怒不

搯者謂未得心熱故也若心熱乘於肝則子

母俱有實熱風火相搏而乃發搯其抽掣之

勢如風蕩火也 治在驚疾門之中若肝熱搯衣搯

物壯熱飲食喘悶者肺乘之也 治當瀉肺肝於

四時冬相春王夏衰秋絕若在春肝王之時

早晨亦同反見肺病乘肝者是肺強肝怯也
瀉肺補其腎今肝虛補腎者毋能令子實也甚則且補其肝
或子母補之俱補 輕者肺病退則愈重者目中
淡青必發驚若更有赤者當發搐也謂怯則
目淡青色有心熱則赤故當發搐肝虛實皆
主風若外感生者則呵欠頓口中氣熱治
當發散若能食飲水不止者當微下之餘不可
心裁 心主驚馬心病實則叫哭發熱飲水惕跳
上竄發搐治瀉瀉之心 病虛則卧而悸動不安
手足搖縱 治當補之心 病虛實皆主熱心實則

喜仰卧謂心氣實則氣上行澁若合面卧氣
則不通快故喜仰卧使氣得上下通也 治當
心熱則視其口中氣溫或合面卧而就冷及
上竄咬牙也謂心熱則胃亦熱見雖不能言
有就冷之意故合面卧也 治當瀉熱若邪熱乘
心則為驚啼治當安神心於四時春相夏王秋
衰冬絕若在夏心王之時日中亦同 反見腎病乘
心者是腎強心弱也 治當補其肝心瀉其膀胱今腎強
而瀉膀胱者謂腎主虛而無實瀉其膀胱之府則養不得
輕者腎病退則愈重者悸動不已當發搐也

脾藏胃附脾主困脾病實則困睡身熱飲水能
食治當下之脾病虛則身溫四支冷吐瀉生風
治當補之脾寒者夜啼脾屬陰冷即夜間發痛
故兒啼哭治當溫中脾熱者弄舌脾熱則舌絡
緊故時時舒吐也或時飲水熱則津液少故
也治當分解其熱不可用涼藥下之醫者多疑其
飲水為熱便以涼藥下之加面黃肌瘦五心
煩熱則為疳也治在疳疾門中若不因脾熱大病
未已弄舌者凶也又脾藏冷熱皆主吐瀉用
倦若吐乳色黃者傷熱吐乳色青者傷冷四時

之間秋冬春三時皆冷多唯夏暑時有熱多
胃附胃熱者若吐瀉昏睡露睛者虛熱也若吐
瀉昏睡不露睛者實熱也胃久虛熱多生疳
病胃冷者若吐痰沫白綠水不食腹痛或瀉
青白利穀不化者胃虛冷也若胃虛怯有汗
者但上至項下至臍也若面恍白无精光口
頻撮口中氣冷不思食者胃不和也又小兒
筋骨未成血脈未全自小多啼哭者胃啼也
脾胃二者腑臟表裡人之司命故同病也脾
於四時王在四旁證四季月若於王時反見他

藏病乘脾者是脾弱也如春季三月木位土王之時見肺
未乘之秋九月金位土王之時見肝未乘之之類是也他放之治當補弱
為強隨証治之輕者所乘之藏病退則愈重者而
目赤黃脾怯也

肺藏 肺主喘肺病實則身溫悶亂氣促喘
急治當瀉之肺病虛則身熱哽氣長出氣治當補
之肺熱則手陷眉目鼻面甚則吐稠涎及咯
血者久則肺虛治當補之若虛熱則唇深紅色
治當解熱若實則涎痰潮吐治宜下涎肺氣盛而熱
又復有風 冷者則骨滿短氣悶亂喘軟上氣

當先治肺後散風冷若肺只傷風者不骨滿也但只
散風又肺有虛實寒熱咳嗽者並於咳嗽門論之肺於
四時夏相秋王冬衰春絕若在秋肺王之時
日迭時同反見肺病來乘肺者是肝強肺怯也
肺怯則唇色白若病而悶亂氣麓喘促哽氣
者難治為肺虛損也唇白者 謂肺脾病久
也脾為肺之母母子皆虛不能相營也故名
曰怯治當補脾肺而瀉其肝也輕者肝病退則愈重者
唇白枯者死白澤者吉

腎藏 腎主虛腎病無實唯斑瘡腎實則變黑

陷餘無實病腎病虛則身冷死精光畏明体
骨重蓋腎氣不足則下竄而骨重惟欲墜於
下而縮身也又腎屬水陰也虛則畏明若因
他病致腎虛者非也又腎虛者謂本怯由胎
氣不成精神不足目中白睛多面恍白死光
多鮮顛此皆難養縱長不過八八之數若
恣色欲多不及四十而亡也治並當補之腎於四
時秋相冬王春衰夏絕若在冬腎王之時夜
半同反見心病來乘腎者是心強腎弱也治當瀉
心而補腎輕者心病退則愈重者下竄不語腎怯虛

凡病必視其新久虛實假令肺病又見肺證若
前牙多欠者則易治謂肝虛不能乘肺也若
目直叫哭項急頻悶者則難治謂肺病久則
虛肝強而實反勝其肺也虛則補其母實則
瀉其子又病必視其五藏衰王時候參其相
乘勝負虛實其順易治微邪是也逆者難
治賊邪是也五藏相反隨證治之

凡病先虛或已經下之有合下之者必先實其
母後下其子也假如肺虛而痰實此可下之
證當先益其脾後乃瀉肺也諸病放此

凡病有熱者或疎利解化之後無虛證者勿得
用溫補之若用之熱必隨生

諸死絕候

喬岳五藏絕歌

心藏 吐瀉變為痢血黑渴難當心主血心絕則血色

變黑虛燥而發渴 肌瘦難行坐虛舌不縮藏心主舌

絕則不能收兩臉如脂赤痢久則面當無色今面色反如脂者

心絕則虛陽上發也無語口生瘡心主舌絕則不能語若

向夏中得更莫細思量

肝藏 眼目時時澀渾身似醉人頻頻只要睡

心煩又多嗔肝青絕則不能開故澀而只要睡又肝主筋

力絕則如醉人不能事也又肝主怒絕則多怒不止也唇白眼胞腫

狂躁足啼聲東方應此候病則不宜春

脾藏 面色黃時好不可見相傳体弱增寒甚

虫行覓食冷脾主支体絕則体弱又脾絕則腎逆乘之故發增

寒脾絕則胃熱故虫不安而上吐出喫乳舌無力齒露蓋

時難脾主唇絕則不能收掩其齒又不能吮乳眼傾休下藥

眼腫屬脾絕則傾陷免更住人間

肺藏 肺候應白色莫使見絕形鼻青孔燥黑

腹脹眼胞傾肺主鼻絕則肺逆乘之而色青又肺絕則無涕

故孔黑燥也肺主眼胞絕則瞳之項直喘氣急背凸沒迴
声肺主氣絕則喘急項直以引氣也氣絕則背中滿凸但有出氣而無
迴○氣也秋間逢此候四方別托生

腎藏

冷汗時時有尿多夜裏驚腎絕則陰陽相離

故冷汗出而小便不禁精者神之舍絕則精神離故夜裏多驚腎屬
陰夜亦屬陰故也遍身生粟疥手足冷如水陽不
能充煖故也項倒頭難舉面黑沒精神腎絕則天柱骨
倒面目皆黑無精神也此候應壬癸冬得殞其身

王叔和死證歌

眼上赤脉下貫瞳人顛門腫

起蕪及作坑鼻乾黑燥肚大青筋目多直視

都不轉睛指甲黑色忽作鷓鳴虛舌出口齧
齒咬人魚口氣急啼不作声虵虫既出必是
死形用藥速急十無一生

錢乙死證

瀉不定精神好 大渴不定止之

又渴

吹鼻不噴 病重口乾不睡 時氣

唇上青黑點

頰深赤如塗胭脂 鼻孔開

張

喘急不定 面有五色不常不澤

諸般死證

病困汗出如珠不流 頭毛上逆

唇口枯乾

口鼻冷氣 頭足相抵 卧正

如縛

四支垂躄

手足掌冷

通真子死候歌

顛陷唇乾目直視 口中冷氣卧如痴
身形強直手足軟 掌冷頭低尽莫醫

小兒衛生總微論方卷第二

小兒衛生總微論方卷第三

變蒸論

小兒在母腹中胎化十月而生則皮膚筋骨
腑臟氣血雖已全具而未充備故有變蒸者
是長神智堅骨脉也變者易也蒸者熱也每經
一次之後則見骨脉氣血稍強精神性情特異
是以聖濟經言嬰孺始生有變蒸者以体具未
充精神未壯尚資陰陽之氣水火之濟甄陶以
成非道之自然以變為常者哉故見自生每三
十二日一次者以人两手十指每指三節共骨三

十段又兩掌骨共三十二段是柔如之應之也太倉公曰氣入內支長機骨於十變者乃是也聖濟經又曰變者上氣蒸者體熱上氣者則以五藏改易而皆上朝藏真高於肺也體熱者則以血脉敷榮陽方外固為陰使也故變蒸畢而形氣成就者也亦由萬物之生非陰陽氣蘊熱蒸無以榮變也見自生三十二日為第一變者屬腎又三十二日再變且蒸者屬膀胱腎與膀胱為表裡共六十四日也其變則耳與骹骨皆冷者腎為水水數一故為變蒸之始也又三十二

日為第三變屬心又三十二日為第四變且蒸屬小腸心與小腸為表裡共一百二十八日也其變則汗出而微驚者心為火火數二故為變蒸之次二也又三十二日為第五變屬肝又三十二日為第六變且蒸屬膽肝與膽為表裡共一百九十二日也其變則目不開而赤者肝為木木數三故變蒸之次三也又三十二日為第七變屬肺又三十二日為第八變且蒸屬大腸肺與大腸為表裡共二百五十八日也其變則皮膚熱或汗或不汗者肺屬金金數四故為

變蒸之次四也又三十二日為第九變屬脾又
三十二日為第十變屬胃脾與胃為表裡共三
百二十日也其變則不食腹痛而吐乳者脾
為土土數五故為變蒸之次五也後又六十四
日復一大蒸四次積二百五十六日大蒸畢凡
五百七十六日大小變蒸數足其血脈充榮則
手受血而能握足受血而能步此亦手足之應
也其變蒸之候體熱微驚耳冷體冷上唇頭有
白泡起若魚目珠子脈亂或汗或不汗不欲
食食則嘔吐目白者重日赤黑者微閉而不開

至變蒸了自然明矣其輕者五日而衰重者十
日而衰或先期五日或後之五日或十日之中
熱乃除耳若熱甚遠日不歇不得驚動勿令傍
边人多而語雜不可妄行灸刺但少與紫丸微
利之則熱便止矣或用孫真人肘後黑散子粉香
散調治亦可唯不可餘治若傷寒時行溫病及
驚熱溫壯等候雖與變蒸頗皆相似耳熱體熱
唇上無白泡珠乃為他病各從其證為治若於
變蒸內有寒加之寒熱交爭臍腹大橋啼不止
者熨之則愈

變蒸賦

看病嬰兒先明四時既有變蒸之狀正如溫壯
之推寒熱初來慎一七而方退周期未滿當四
八以重期原夫魂魄將成筋骸始榮開舒腠理
通徹竒經運用而陰陽以正往來而血氣初
平頓資精神嬰嬰全然有異未知蒸變一一子
細須明肝者幹也東方所屬為木象之三數發
形證於兩目渾身壯熱令瞳子以無輝遍體昏
沉為神魂而未足四數於金二由在火咳嗽頭
頻汗珠顆顆兩日間嚏噴仍加數夜裡虛驚

又可暗增骨髓孳反復以番身漸長性情畏傍
人而恋我脾土五呼腎水一稱穀氣暗引精志
時增乳哺甘甜尻骨成而獨坐戲經絡流利掌
骨具而匍匐能次後筋脈之稍更膝踝之漸變
氣乃而榮於四肢光彩而滋於滿面亭亭立猶
未穩嘍嘍語尚聾顛手足受血移步行而堪伶
耳目通神益智生而可羨斯由呼吸以定肌體
乃厚兩氣而外陽內陰一息而入鼻出口期來
應節自然腑臟充盈將養乖宜致得風邪甚有
於是髮豎無潤乳嘔吐口珠起卅唇冷浸翫耳

或腸鳴而微利或驚啼而勿喜經云蒸即蒸血
肉之堅變即變形袖之正矣

治方

紫丸治小兒身熱變蒸不解及溫壯傷寒乳哺
失節宿滯痰癖腹滿吐哕便利不調等疾亦
治食癩先寒後熱

代赭石火煨醋淬赤石脂各兩巴豆三十箇去皮心油

杏仁五十粒去皮尖

右上去味為細末下二味搗成膏相和更杵
二千下相得若硬入少蜜同杵作劑密器中

收之三十日兒服麻子許分圓乳汁送下候食
頃之後方与少乳勿得多与至日中當小利即
熱除若未除明日更一服百日兒小豆許以此
准量加減夏月多熱喜令發疹每二三十日輒
一服甚佳

黑散子治嬰小身熱變蒸不解及挾時行溫病

麻黃去根節二分大黃一分杏仁一分去皮二分和麝

右都燒存性為細末每服壹字或半錢量
大小加減以水半銀錢煎少許湏抱兒於煖
溫避風處連進二三服取微汗候身涼以粉

香散撲之一方只炒黑用

粉香散 蚌粉不以多必研極細水飛過 射香少許研

右勻末用綿裹撲粉兒身如已涼胃氣未和
不快羨乳服觀音散方在後

熨法治小兒變蒸內有寒加之發寒熱交爭脘
腹大喬而痛啼不止 竈中灰 食盐

右二味量其相等和勻炒令熱以重帛裹

適溫熱熨兒仍不可太熱恐驚烙兒也

已上凡兒於變蒸之內苦遇身熱脉乱汗不出
不欲乳食乳食後輒吐者必審其日數度是變

蒸之時者雖有是證无所苦也 陳知軍云小兒變蒸但必

四君子湯加茯神与服其方白朮人參茯苓茯神各半兩甘草炙三錢同
未薄荷湯調下 錢慎不可餘治及服驚藥恐冷傷胃氣也

脉理論

凡兒稟受臟腑氣血榮衛形体雖有生皆全然
於未語之前變蒸之際則血氣未充膚革
未固筋骨未堅脉狀未成若有病也難為診切
又難訪問是以先賢言小兒之病難治者以
無承挾也故立其觀視形色之法為兒自生積
五百七十六日大小變蒸數畢則氣血榮精神

異筋骨壯脉理全欽後方可診切又能言問也
或以謂小兒之脉与壯老不同者是不達診治
之大体也凡脉之長短遲速在因形以別之不
必拘於至數經言小兒脉多雀闔要以三部為
主其脉小數小細者平也諸家所言甚衆今擇
其當者具之孫真人云小兒之脉固難分表裡
今撮其要者不出數條其總目歌曰

小兒有病須憑脉一指三關定其息小兒臂短難
以布其三指以分三關也以一指診之

浮洪風熱數為驚驚虛冷沉遲實有積

浮脉為風秋得之曰平餘時得之主傷風寒頭
疼壯熱或夜熱昼涼咳嗽噴噴鼻塞清涕嘔逆
不食 歌曰

浮為風兮秋日平 餘中風寒頭目疼
壯氣夜極鼻清涕 嚏噴咳嗽吐食頻
洪脉為熱夏得之曰平餘時得之主風熱壅盛
身體温壯瘡瘍血泄

歌曰

洪為應候夏時和 餘須發熱壯温多
風壅作驚或瘡腫 有時泄下血滂沱

數脈為驚春得之曰平餘時得之主驚風抽掣
脈數小者多睡惕跳直視怕怖盜汗非時咬牙
吐舌微吐喘息脈數大者一兩日間必發搐搦也
歌曰數為驚候春日長 餘時小數睡驚揚
喘息直視舌頻吐 大數潮搐發沉殃
沉遲為虛冷冬得之曰平餘時得之主脾胃虛
弱泄瀉滑腸脫肛吐痢不止日漸羸瘦以成
脾困或作疴勞 歌曰

沉遲之脈冬日安 餘時脾胃弱虛言
泄瀉滑腸肛脫出 吐利羸瘦變疴

實脈為積滯四時得之皆主食傷積 聚面黃
腹脹髮焦煩渴吐現腹痛 歌曰

實脈含傷積滯言 壯熱腹脹髮毛乾
吐痢肚疼或為癖 四時死異一般看
寶鑑四時脈謂 春弦夏洪秋浮冬沉四季緩
各推其王相表裡以察其病假令春得弦而
浮者病在表在腑為陽為順病則易治若得
弦而沉者病在裡在臟為陰為逆病則難治
餘時放之

王氏脉歌曰

小兒乳後輒吐逆 更兼脉乱无憂慮

弦急之時被寒纏 脉緩即是不消乳

緊急細駛亦少苦 虛濡和氣驚風助

刺下宣腸急痛時 浮大之脉歸泉路

脉經曰小兒之脉駛疾一息七八至曰平不及

曰損太過曰至

通真子歌曰

小兒三歲至五歲 呼吸湏將八至看

九至不安十至困 短長大小有邪干

又曰小兒脉緊是風癇 沉脉湏知乳化難

腹痛緊弦牢實秘 沉縮有熱在骨間

死證脉 脉來三動而止不見者死 脉來速

如弓弦硬直者死 脉來瞥然不見者死

歌曰三動而止不來凶 速硬如弦勁在弓

瞥然至而反不見 皆為死脉定由宗

諸般病脉

脉弦者為風寒 弦數者為瘧

脉急者為氣不和 或為客忤

脉緊者為痛 緊數者驚癇

脉浮者為風

浮緊者驚風

浮大者傷寒

浮虛者盜汗

浮數者風熱

脉伏者為氣滯

脉緩脉細者皆為冷為乳不化

脉虛脉濡者為虛弱為驚

虛濡者慢驚馬風

虛緊者伏熱

脉沉重者為有積

沉數者骨間冷云骨

間熱沉遲者虛冷

沉緩者傷食

脉牢緊者癰聚

牢實者腸秘

心脉滿大肝脉小急者驚癇

心脉數小者疳淋

數急者熱

寸口脉直上直下者為驚

寸口脉大小脉不勻亂者變蒸

左手寸口无脉心痛中熱嘔逆口瘡或咳

嗽喉中哽聲頭汗出而熱此乳母食冷以

乳兒所作也又脉亂者吐逆

右手寸口死脉膏滿短氣吐逆噫噦喉中

響音此乳母抱兒衝冒風寒所作也

凡脉如雀啄而緊者風癇

凡脉大小不依部次者惡候

凡小兒脉駛呼吸八至曰平九至曰病十

至曰困

凡小兒脉虛者病亦虛輕手得也脉實者

病亦實重手得也故急驚脉促急慢驚

脉虛微

諸身熱論

凡小兒有病皆須身熱其證不一今條而具之

小兒於某時間發熱過時即退至來日依時發

熱晝夜同此為潮熱欲發驚也

小兒身熱但一向壯熱不已者此為壯熱甚則發驚也

小兒身熱但溫而不甚壯熱此為溫熱

小兒身熱口中氣熱叫哭死時呵欠頰悶面目

青色此為風熱甚亦發驚

小兒身熱飲水悻悻手足搖動上視弄舌印內

青筋見掌中赤怕物生涎此為驚熱

小兒身熱面赤時久不退睡竟顛叫氣急發渴

膏高涎壅此為積熱與壯熱相似但膏高涎壅

為異乃藏府積蘊熱毒三焦鬲腕壅滯也又搖

頭項鞭者亦三焦鬲脫壅也 已上皆甚則奔
搐治在驚癇門中

小兒身體奔熱氣促鼻塞清涕嚏噴寒毛立眼
淚出或出痰水此為傷寒治在傷寒門中

小兒身熱時奔時退退但肚熱或夜發熱面黃
腹脹吐瀉乳食不化糞酸臭異常此為食傷治
在傷食門中

小兒夜奔熱曉即如故多涎喜睡此肺虛奔熱
也此與食傷夜奔熱相似須要識之况二證餘
候各皆不同食傷者可下肺虛者不可下下之

則失津液發渴引飲昔錢乙治朱監簿子五歲
夜發熱曉即如故衆醫作熱以涼藥解之不愈
其候多涎喜睡又以藥下其涎病益甚至五六
日大分飲請乙治之乙曰不可下乃取白朮散
煎湯三升使任意取足服朱曰飲多不作瀉否
乙曰無生水不能作瀉縱利亦不足怪但不可
下耳朱又曰先治何病乙曰止瀉治痰退熱清神皆
此藥也服及又作兩次與服其子不渴無痰又
投阿膠散二服而安是此證也錢乙方本集載之
小兒每早食後發熱至夜則涼此為血熱治方在後

小兒身熱形瘦多渴飲食不為肌肉此為疳熱治在疳門中
小兒血氣旺盛發渴引飲大便黃紫小便赤少
四肢身體翕然而熱此為胃實熱也治宜下之
小兒身熱微驚耳冷鼈冷上唇頭有白泡起如
魚目珠子或汗或不汗此為變蒸治在變蒸門中
小兒身熱昏睡驚悸喜噓噴耳尻冷此為瘡疹
候在瘡疹門中此與食傷變蒸相似傷寒耳尻
皆熱變蒸唇上有白疣泡珠子為異
小兒身熱者更有内外在內者多飲水得之在
外者多因風寒得之錢氏有云小兒身熱飲

水者熱在內身熱不飲水者熱在外此大槩
之驗也在內者宜下之在外者宜散之若小
兒積蘊内外傷感表裏渾身俱熱頰赤口乾
小便赤大便焦黃少者先以四順清涼飲
子利動藏府熱即退矣既而復熱者是裏熱
已解而表熱未去復以惺惺散或紅錦散加
麻黃微發其汗表熱乃去既去又復發熱者
世醫盡不能曉再下再表皆為不可誤傷多
矣此表裏俱虛氣不歸元陽浮於外所以再
發熱也但以六神散和其胃氣則收陽歸內

身便涼矣

問孝忠論小兒壯熱傷風溫疫傷寒風熱瘡疹
傷食率皆相似未能辨認之間但與升麻葛
根湯惺惺散小柴胡湯服之甚驗蓋此救藥通
治之不致誤也惟傷食者則大便酸臭乳不
化畏食或吐宜與微下之
孫真人論小兒內外氣盛眠時小驚或微竟傷
風傷食又慮變蒸身熱者但以紫圓方已在前
或龍膽湯為治此二藥无所不療雖微利動
以減盛氣亦不虛人小兒糞黃而臭者此腹

中有伏熱也宜服龍膽湯若糞白而酸臭者
此挾寒不消也宜服紫圓但少與令內消甚
者小增令微稀澹皆須節乳哺一兩日令胃
氣平和若不節則病易復一則復下傷其胃
氣令腹脹滿若至再三下之則過傷矣

諸治方 治小兒潮熱溫壯勝金散

雄黃一錢 白附子半錢 甘草半兩 芍藥半兩

南星半兩 荆芥穗一分 右為末每服半錢水一小

盞入薄荷三葉煎至五分盞去滓溫服無時

治小兒潮熱發躁金花散

川大黃兩 秦元去毒 右為末每服一字或

半錢水一小盞入青蒿三兩葉葱白二寸同

煎至五分盞去滓溫服若變骨蒸勞氣用童

子小便浸青蒿葱白煎藥

治小兒潮熱減食蒸瘦秦元散

秦元去毒切焙 甘草炙各兩

乾猫兒薄荷葉半兩切焙

右為末每服一二錢水一中盞煎至五分盞

去滓食後溫服

治小兒虛熱潮作亦治溫壯及解傷寒地骨皮

散

知母 柴胡 芍藥 甘草 炙 半夏湯洗七次切焙

人參 鱗地骨皮膏 赤茯苓去黑皮各等分

右為末每服二錢水盞生薑五片煎至六分去

滓食後溫服量大小加減

治小兒溫壯身熱臉赤煩渴燥悶涼肌圓

龍膽草去毒二兩 玄參去毒二兩 當歸去毒洗淨二兩

右為細末煉蜜和圓棗豆大每服二十圓竹

葉湯下見大增之元時

治小兒溫壯風熱牛黃膏

寒水石四兩煨出火毒 雄黃兩飛 山梔子仁錢半

甘草一分炙 牙消兩 鉛白霜半兩

右為細末入射香少許煉蜜和旋取皂子許薄荷水化下乳食後

治小兒溫壯風熱睡臥不穩咳嗽喘急剋效散

龍腦薄荷葉二兩 白殭蚕去絲嘴半兩微炒

玄胡索去皮半兩

右為末每服半錢或一錢蜜湯調下死時

治小兒風熱驚熱眠睡不安鎮心丹此胡御帶秘方許

鐵粉一分 蛇黃兩煨醋碎七次 代赭石半兩煨醋碎七次

馬屁字半兩 射香一分別研

右為細末煉蜜入糊圓如小豆大每服一粒

磨剪力鏗水化下食後亦治驚癇奔搐

治小兒風熱昏塞躁悶不食梨汁粥

右以鵝梨三枚切碎以水二升煮取汁一升

去滓入粳米一合煮粥食之

治小兒驚熱如火亦治溫壯龍齒散

右以龍齒為末調服或以爛龍角研濃汁服

一二合

又方人參牛黃散

右以人參牛黃等分為末以薄荷水調下最
佳

又方治如前

古以竹瀝二合溫之分三四服無即刮竹茹
以醋煎溫服

治小兒積熱啼叫三焦壅滯青金丹

青黛兩

甘草二兩生末

蟬殼去足兩末

射香一錢研

辰砂一分研飛

牛黃別研

腦子各錢

龍齒末半兩

天竹黃半兩

右為細末以飴糖和圓鷄頭大每一粒分四

服溫水化下無時

治小兒積熱痰實三焦蘊毒及風熱面赤大小
便秘泄犀角圓

生犀末一分

人參去芦半兩

黃連去須兩

枳實去穰半兩炒

檳榔半兩

大黃二兩酒浸切片豈豆一

百个去皮貼在大黃上紙裏飯上蒸三次切碎炒黃焦去色豈只用大黃

右為細末煉蜜和圓如麻子大每服一二十
圓臨臥時熱水下未利加圓數踈導極穩

治小兒諸熱四順飲子

地骨皮去骨

防風去芦并枝

山梔子去殼取仁

連翹 各等分

右為細末每用一錢或二錢水一小盞入灯

心竹葉少許煎至五分盡放冷服無時

治小兒諸熱甘露散

牙消一分 龍腦薄荷葉二兩 大黃半兩

甘草半兩炙 芎藭一分 雄黃一分水飛

右為末每服半錢蜜水調下無時

治小兒諸熱煩躁牛黃散

右鬱金大者濕紙裹慢火煨熟為末入牛黃

少許冷水調下大者一錢小者半錢無時

治小兒身熱不痊

右以熟湯研郁李仁如杏酪一日服二合

又方

石以鷄卵一枚和白蜜服之

小兒於立夏之後有病身熱者慎勿妄為吐下

但以除熱湯浴之除熱粉粉之赤膏摩塗之

出千金

除熱湯

右以白芷根苗苦苧分為鹿散用清漿水煎

更入鹽少許以浴兒浴畢用粉粉之

又方

白芷苦參秦皮煎湯或無衆藥但得一味煮湯皆可

又方

右切李子葉一升火七升煎至五升適溫煖用之澡浴或只用楮葉亦可

涼肌粉

右以白芷楓葉藁本苦參黃連等分為細末每用三錢以蛤粉二大塊同研勻細入生絹袋子每浴了以撲身遍令勻亦治夏月伏暍

遍身生赤癩子用之極妙

赤膏

丹砂 雷元 芒硝 戎鹽 大黃各二兩

右切碎用苦酒半升浸四物一宿以煉成猪脂一斤煎三上三下去滓入芒硝成膏每用以摩心下及塗臍中

治小兒血熱早食後奔熱至晚則涼猪膽圓

胡黃連 宣黃連去頭各半兩 赤芍藥二兩

右為細末以獾猪膽汁和成劑却入在膽皮中懸鈹上用漿水煮勿令漿水入煮熟取出

圓如菽豆大每服三十圓米飲湯下食後臨
臥日三有生瘰癧一證亦早食後身熱頗相
似但以鼻衄泄瀉宜審辨之

牛黃膏治小兒疳熱引飲亦治傷風溫壯

雄黃研飛

甘草末

川芎硝各一分

鬱金末各一分

腦子研

寒水石生飛研

菽豆粉

半兩

右同為細末煉蜜和成膏每用半皂子大薄
荷湯化下食後

治小兒裏熱頭昏頰赤口內熱小便赤大便少
要微挨動臍府即安四順清涼飲子

又治睡臥不寧五心煩熱四肢抽掣及乳哺不
節并寒溫失度熱久連綿欬奔驚癩目赤口
瘡瘡疹餘毒

大黃

濕紙裏煨熟方用

當歸去瀝

赤芍藥

甘草

各各等分

右為末三歲上兒每服一錢水一盞煎至七
分盞分二服更量大小加減食後溫服

治小兒外熱要微發汗即愈惺惺散良方名桔
梗散治小兒風熱及傷寒時氣瘡疹奔熱等
桔梗去聲 細辛去苗 人參去言 甘草炙

白茯苓去黑皮 瓜蒌根 白朮各等分

右為細末每服一錢匕水一小盞入薄荷三葉同煎至六分去滓溫服凡傷寒溫壯變蒸瘡疹未辨皆可服

治小兒風濕體熱頭目不清紅錦散

白殭蠶六絲嘴二兩炒 天麻二兩 天南星二兩

薄切作片子油煤黃 蘇木節二兩半別研

右為細末每服一錢水一小盞入綿少許同煎至五分盞去滓溫服若傷風有表証發熱者於本方中入去節麻黃半錢同煎若有裏熱

心躁煩渴者入滑石末半錢同煎

治小兒發熱已經汗下仍熱者六神散

人參去須 白茯苓去黑皮 乾山藥

白朮 甘草炙 白扁豆

右為細末每服一錢水一小盞入棗一枚擘破生姜三片同煎至五分盞通口服此藥用處甚多治胃冷加附子治風証加天麻治諸痢加罌粟殼若服之熱猶未退更與銀白散

治之

銀白散

乾山藥 白朮 白茯苓去黑皮各半兩 知母

人參去芦 白扁豆 甘草炙 升麻各二分

右為細末每服一錢水一小盞棗一個同煎至五分盞溫服死時

治小兒溫壯驚風及傷寒身體發熱或作瘡疹於初身熱未辨之間並宜服此升麻葛根湯

乾葛細剉 升麻 芍藥 甘草炙各半分

右為麤末每服二錢水一小盞煎至五分盞去滓溫服死時

治如前小柴胡湯

柴胡去苗兩 黃芩 人參去芦各等分

半夏六錢擘湯浸洗 甘草三分炙

右為麤末每服二錢入生姜三片棗一枚水一小盞同煎至五分盞去滓溫服無時

治小兒自出腹來血氣實盛發熱不歇及食不消變蒸不解客忤鬼氣溫壯寒熱并諸驚痛

悉皆主之

龍膽湯

龍膽去芦 鈎藤 柴胡去苗 黃芩去土

桔梗去芦 芍藥 茯神去木 甘草各二分

羗娘

不去翅足炙焦

大黃一分剉碎微炒千金兩疑太多

右為麤末每服一錢水一小盞煎至五分去

滓溫服無時

治嬰小杜熱未能服藥者粉方

寒水石 芒硝 滑石 石膏 赤石脂

青木香 大黃 甘草 黃芩 防風去葉枝

芎藭

麻黃根各等分

右為末每用藥末三合入牡蠣粉一升細蛤

粉亦可相和再羅細用以粉兒日二次

桔梗治小兒風熱溫壯或傷寒時氣瘡疹未發

並宜服之仍兼小黑膏服尤善

桔梗去葉

細辛去苗

人參去葉

桔萎根

白朮

甘草

川芎

白茯苓去葉各等分

右為末每服二錢水一盞入生姜三片薄荷

三葉同煎至七分盞三歲已下兒作四服無

時

小黑膏

川烏

南星各二枚大者

右入一小瓶子內用濕紙密搭封口慢火燒

之候火滅取出削取中心所存白如

皂子大用之須燒數枚擇中度者方用為末

次入薄荷葉玄參末各五錢匕研勻煉蜜和成劑每用旋擗豆許圓之葱白湯下頻頻服若筋脉或緩或急加乳香同葱白湯下之治小兒發熱極甚因伏由心經昏胃不省或誤服熱藥蓄熱所致用之神效

以生梅花腦子半字或一字取新殺猪心中血一兩滴同研作一圓新汲水少許化下大良未省即再服一粒

治小兒驚熱

以水磨犀角汁服之

薄荷散治小兒風熱温壯及傷寒傷風瘡疹未

辨之間皆可服之

薄荷葉 藿香葉 荊芥穗 甘松去土

白芷 防風去葉并根 川芎 桔梗去芦

白殭蚕去繸 甘草炙 藁本去毒兩 細辛去苗半兩

右為末每服一錢茶調温服亦治大人風氣不順頭面風疔疾大能清利頭目止昏眩聰明耳目

小兒衛生總微論方卷第三

小兒衛生總微論方卷第四

驚癇論上

歆發搐

小兒驚癇者世俗之摠名須分輕重也輕者但身熱面赤睡臥不安悸惕上竄不發搐者此名驚也重者上視身強手足拳發搐者此名癇也其發搐之病最為重大必有因漸亦有將發之候以明之也養小兒之家若能辨之求治於未發之前不惟易愈又不至於危殆今集歆發搐候下項

目上視喜惕者歆發搐也

身熱項強常汗出者欲發搐也 手足喜
振掉者欲發搐也 搖頭弄舌者欲發搐也
喜欠目直面青者欲發搐也 潮熱或壯熱
歇者欲發搐也 睡中時笑或狂語言手足
搖動者欲發搐也 鼻中燥大便小便不利
者欲發搐也 髮上逆啼面暗色不變者欲
發搐也 身熱吐衄喘麤者欲發搐也
噫氣下而妄怒者欲發搐也 鼻口青喜忪
悸者欲發搐也 咬牙甚者欲發搐也
目直色赤或青者欲發搐也 瞳子卒大異

常者欲發搐也 面色青黃上竄氣急者欲
發搐也 眼斜視者欲發搐也 嚙乳不和
或噎乳唇舌緊者欲發搐也 涎盛鬲壅呀
呷有聲者欲發搐也 臥而不安身熱不乳
數惕恍者欲發搐也 體熱口中氣亦熱面
目青呵欠頰悶者欲發搐也 掌中赤印內
青筋見怕物生涎者欲發搐也 吐利不止
厥痛時起者欲發搐也 唇口頰頰者手足
心皆熱喜冷者欲發搐也 目痴昏悶撮口
吐舌者欲發搐也 身熱小便難或目直視

或視不精皆欲發搐也

孫真人曰小兒眠睡不穩或身熱之時見有諸小驚之証輒紫圓微下之減其盛氣令終不病癇發搐也月用一次甚佳方已在前變蒸門中

已發搐

發搐之候世俗所說者多矣有言一証屬一藏一証屬一府喬岳歌曰小兒驚候有多般不顯根源見病難睡裏咬牙驚入腎非時吊眼病歸肝夜啼到曉元因肺唇白面青一般看前後心煩四肢熱面紅如火向心間乾嘔

吃水脾驚患脉微氣喘一同言漢東王氏言非時吊眼驚入肝睡後咬牙驚入腎夜啼到曉驚入小腸面青乍白驚入膽氣喘與水驚入肺面紅臉赤驚入心五心煩熱驚入脾喉中鋸響驚入大腸乾嘔无時驚入胃睡中啼哭驚入三焦如此之類言至百種叢脞無據何以為治又有言驚發三次為癇者第一次發兩太陽左右青脉朝眼第二次發山根青脉見第三次發眼下臉連金匱青脉見又言發搐面赤指內青紋見者為癇又云耳後完

骨上青脉如線者為癩此等之論亦為臆說
大抵不發搐者為驚奔搐者為癩也千金論
癩証大体只分三種一曰風癩因解脫衣袂
觸冒風邪而作其証先屈指如數乃發口中
氣熱呵欠頰悶手足搖動治當發散二曰驚
癩猛聞大声或撲仆驚怖而作其証先叫啼
乃發心神不寧不可下之之內虛則病益
盛治當安神去熱三曰食癩因乳哺失節或
有積癰而作其証先不乳而吐先寒後熱乃
發其証身體或溫或熱多睡喜唾吐逆腹脹

故小兒有癩積脉大者必發癩治當下之此
三種內風驚二癩時有之食癩者十中無
一下之便愈詳此三種雖諸病皆能變癩莫
不緣於風驚食之所作也又內經有云五
藏主五畜其間發重者各見其象肝為犬癩
目直視身反折手拳犬鳴心為馬癩張口搖
頭背強硬馬叫云云為羊癩目瞪苦羊叫脾為牛癩
目痴腹滿牛叫肺為鷄癩搖頭反折手縱搐
搦鷄叫腎為猪癩目橫身直如尸吐沫猪叫
已上論癩發者乃諸書精要也然不若錢乙

所論發搐者乃心肝二藏為病也其理有據而妙肝主風心主火風火相加發而為搐前論小兒諸病新久皆能變癇發搐者以人有病則飲食退減脾胃不旺肝必凌之引動肝風肝又主掣若不得心火則不能發搐又人有病則氣血錯亂心神不寧引動心火心又主驚若不得肝風亦不得發搐也須肝心二藏相為子母俱有實熱風火相搏驚掣相持乃能發搐其狀亦如風之蕩火焰熾掣然也故肝心二藏為病之源餘藏雖不正主亦有

相乘兼見之証及所發亦有其時假如錢論潮熱變發搐在早晨寅卯辰時者此肝用事之時也身體壯熱目上視手足搖動口生熱涎項頸強急此肝旺也錢治補腎瀉肝是謂補其母而瀉其子也發搐在日中巳午未時者此心用事之時也心惕目上白睛赤色牙關緊急口內涎生手足搖動此心旺也錢治瀉心熱退則肝母亦不能旺是謂子能令母虛也發搐在日晚申酉戌時者此肺用事之時也目微斜視不甚搐而喘身熱睡露睛

手足冷大便黃水錢治瀉其肝心而補其脾
發搐者心肝實為病之源故瀉之手足冷大
便黃水者脾虛候也故補之發搐在夜間亥
子丑時者此腎用事之時也不甚搐眠臥不
穩身體溫壯目睛緊斜喉中有涎大便銀褐
色乳食不消多昏不納津液錢治但瀉其心
而補其脾且心肝二藏為病之源今獨瀉其
心而不瀉其肝者此本因潮熱所作發在腎
用之時是腎虛心熱極甚也故但瀉其心熱
退則肝亦平矣若更瀉肝則腎轉虛矣其大

便銀褐色乳食不消不納津液皆脾衰之証
故補其脾也巳上四藏分主十二時脾藏為
兼見之証此潮熱發搐治則惟瀉心肝者蓋
二藏俱實為病之源故也其肺臟有虛實之
証見虛則補見實則瀉况發搐是心火旺所
作而肺金實証亦罕惟偏搐者有之外腎藏
但主虛而充實見其虛則補之內經有云虛
則補其母實則瀉其子先補其母後瀉其子
子能令母虛母能令子實錢乙論此發搐元
由為治次第乃謂得聖人之經旨深意也可

謂出群拔萃矣今更以錢論三事參之一者發搐逆順二者發搐陰陽三者發搐真假及各於逐項之下以錢治法為証後學之士將此三事參推五藏審別形候察其虛實觀以時刻依法為治則小兒發搐之病死以外也發搐逆順

男發左搐或手大指屈外或目左視无声者順也若發右搐或手大指屈內或目右視。有声者逆也女發右搐或手大指屈內或目右視无声者順也若發左搐或手大指屈外

或目左視有声者逆也順者相勝也左肝為目右肺為金一負一勝故無聲也逆者戰也二藏俱實木金相擊故有声也順者易治逆者難治男逆稍易女逆極難更當參其發時以補瀉為治音錢乙治李寺承子三歲發搐自卯至巳目右視大叫哭乙見曰逆也男為陽本發左視无声則順右視有声則逆所以然者左肝木也右肺金也逆則二藏相戰金木相擊而有聲也治乃瀉強補弱假令女發搐目左視是肺來勝肝不能任故叫哭也

當瀉其肺後治其心續治其肝若病在秋時肺兼旺位當大瀉其肺若病在春時此肝旺之時尚不能勝肺是肺強而肝大弱也當補其肝腎大瀉其肺若男發搐目右視是肝來勝肺而叫哭當瀉其肝心若病在春時肝旺時肝旺時當大瀉其肝若病在秋時此肺旺之時尚不能勝肝是肝強而肺極虛也當補其肺大瀉其肝所以言目反視者乃肝主目也凡搐則是風熱相搏於內風屬肝故引見於目也今此病男反女故稍易治於女也

先瀉其肺不悶亂以知肺病退也後補其腎續治其肝心五日而愈乙又治徐氏子三歲每日西發搐身微熱目微斜露睛四肢冷而喘大便微黃請乙與李一醫同治乙問李曰病搐何如以何藥治之李對不當乙曰搐者心肝實也身微熱者日西肺用事之時肺主身溫今且熱者肺虛也目微斜露睛者肝肺相乘勝也四肢冷者脾虛也肺若虛甚則脾母亦弱木氣乘之四肢即冷治當先補脾肺得脾虛証退然後治其心肝九日乃愈此亦

逆搐肝肺相勝目斜者必當右視也今幸此以明逆順為治之法尔

發搐陰陽

天吊附陽搐脾風附陰搐

小兒發搐為急慢驚者古書無有惟曰陰癇陽癇所謂急慢驚者乃後世名之也以陽動而速故陽搐曰急驚。陰靜而緩故陰搐曰慢驚此陰陽驚癇發搐之別也陽搐者身大熱面赤引飲口中氣熱大小便赤黃眼上視連割手足搐急牙關緊禁項背強直涎潮響此因心熱極則生風風屬肝心肝子母風火搏

熾動而發搐也及其發定則了然如故此陽盛陰虛治當利驚以除風熱不可與巴豆訣藥大下之恐畜虛熱不消小兒痰壅積熱於心因聞大声或誤驚觸則動而發搐若熱極者雖不因聞声驚觸亦自發搐小兒本實者多此候也天吊小兒心膈壅滯涎盛熱積不得宣通或因母飲酒食肉無度致煩毒之氣流入於乳因乳兒令兒宿滯不消熱毒乘心發為驚搐眼目翻騰壯熱不休甚者爪甲皆青狀若神祟俗謂之天吊此非天能吊人以其眼吊上視

故取意名之况小兒發搐未有不眼上者實亦陽搐之候也治宜去涎熱昔錢乙治麻親宅七太尉子八使發陽搐自寅至午於未發前錢乙見其目直視而顙赤此心肝俱熱更坐石杙子就冷此熱甚也又肌体素肥而本實其脉急促發搐自寅至午皆心肝用事之時治乃瀉其心肝而補其腎病遂得愈此亦瀉強補弱也陰搐者身温面皸白手足似搐不搐但時、瘈瘲昏、似搐而死精神眼露睛微、上視或胃痛而啼作鴉聲或不能

啼哭唇口白色脉沉弱此因大病之後或吐瀉過甚致脾胃虛損而生風荏苒乃成此陰盛陽虛治當補其脾胃瀉去肝風小兒虛弱雖不因吐瀉取轉直發陰搐者亦有之本怯者多此候也慢脾風附小兒因傷風冷或病吐瀉醫以温藥補之不已復用涼藥治之又不已本謂傷於風冷醫亂治之致脾虛而內不能散外不能解至十餘日其証昏睡露睛大便不聚而瀉此脾虛風入風在脾胃之間故大便不聚而瀉時瘈瘲身体四肢口鼻中氣

皆冷小兒亦有困驚所傳或諸病久變見此証者皆因脾胃虛怯而生風所為也故俗謂慢脾風矣實乃陰搖之危候治當去脾間風風退利止以補脾胃昔錢乙治王氏子病吐瀉他醫以藥下之至虛變陰搖其候睡露睛手足瘈瘲而身冷乙見曰此慢驚也與藥以實脾胃即開目身溫王疑其子不大小便又令他醫以藥利之而復身冷尚欲令乙利小便乙曰不當利利之必身冷王曰已身冷矣乙曰不能食而胃中虛若利大小便使脾腎

俱虛當閉目身冷即死今此兒幸胎氣實而難衰乙復補脾胃則微能飲食所以然者謂利大小便脾胃虛寒當補脾而不可別攻也後不語他醫作失音治乙曰既失音何開目而能飲食又牙不噤而口不緊他醫不能曉乙曰此因用清藥利小便致脾腎俱虛今脾已實腎尚虛故也遂以藥補腎及依法為治半月能言一月而痊

發搐真假

真者兒在母胎中時血氣未全精神未備則動

靜喘息莫不隨母母調適垂宜喜怒失常或
聞大声或有擊觸母驚動於外兒胎感於內至
生下百日以來因有所犯引動其疾則身熱
吐哕心神不寧睡臥昏騰躁啼无特面青腰
直手足搐搦口撮頭縮目瞪氣冷或眼閉膠
生或瀉青黃水是胎疇也是內藏感病發為
真搐然亦發稀而難治不過三兩次必死矣
假者兒生出母腹百日以來肌膚嫩怯血氣
軟弱被外風傷之入客於內每遇則見不能
任故發搐搦口中氣熱呵欠嚏噴此風疇之

候重者亦不呵欠嚏噴與胎疇相似然發頻
者輕輕則易歇故也治當發散昔錢乙治李
司戶孫生百日未發搐日三五次請衆醫治
或作熱天吊或作胎驚或作驚癇治皆无應
後請乙治乙曰嬰兒初生肌膚嫩怯被風傷
之兒不能任故發搐也然頻發者輕以客風
在內每遇不任即搐輕則易歇故發頻也搐
稀者是內藏發病不可救也乙用微劑以散
風邪兼塗額浴法治之乃愈仍不可多服蓋
兒至小易為虛寒多即生熱止一服而已兼

用封無不效已上錢乙所用方並本集載之
驚風雜論

凡小兒急驚雖搐甚不用忙擾亦不足畏慢
驚雖微搐切當救乃危候也方搐之時但與
扶持慎勿擒捉蓋風氣方盛恐流入筋脉致
手足曲戾不隨或成拘攣

凡小兒急驚間孝忠云當其搐勢減時與鎮心
治熱藥一二服如射香圓抱龍圓辰砂圓紫
雪之類候驚勢已定用藥下其痰熱如射香
圓軟金丹桃枝圓之類如此則心神安寧即

愈

凡小兒慢驚若因吐瀉已成虛損者間忠孝云
當與速生胃氣以理中并研金液丹末煎生
姜米粥調灌之多服乃效候胃氣生手足漸煖
四支猶然瘳瘳即減金液丹一二分增青州
白圓子一二分同研如上服漸、以意減金
液丹加白圓子兼用異攻散羌活膏鈎藤飲
之類調理頻、與粥雖至危者徃、死中得
生

凡小兒急慢驚陰陽異証切宜辨而治之急

驚合用涼藥慢驚合用溫藥世人多用一藥不能分別誤小兒多矣殊不知藥性自有溫涼豈可泛用初虞世謂治陰陽痾寒溫藥性當於方中用時增損則死矣又聞孝忠言慢驚藥中宜去龍腦縱須合用必以溫藥為佐或少用之惟涼故也

凡小兒於天陰雷發聲之時必掩塞其耳或作雜聲以亂之恐猛聞大聲而發搐凡小兒發搐時醒而身軟者為痾若發搐不時醒身硬者為瘧各異乃中風之候論在中風門

凡小兒驚癇洩瀉等諸病煩渴者皆津液內耗也不問陰陽煎錢氏白朮散使任意取足飲彌多彌好

凡小兒驚癇藥中能不用水銀輕粉者尤佳如不得已而用之僅去其疾即止蓋小兒腸胃易損亦傷口齒今所集之方多不用銀粉如須用之者當依此酌量減損

凡小兒欲生瘡疹有發搐者當從瘡疹為治餘諸病有與驚癇相兼可以一方為治者依法用之若不可以一方為治者則各用所主

藥相兼治之

凡小兒驚蜚娘為治第一世醫多不學未見有用者若用之須擇不傷水者傷水即不堪用去其頭翅足炙令焦乃入藥

凡小兒吐瀉後精神困頓多睡不吃乳食四肢逆冷發變
成癇者以神麴為末入腦射各少許溫水調服若已成癇哭如鴉声面色青黃手足痠癢咽中不利更入珠砂同末服之若變癇滑利者以麴末蜜圓如鷄頭大溫水化下意東又一方麴末一兩琥珀甘草各二錢珠砂雄黃

各一分同末蜜圓如鷄頭大者
小兒百病
太一丹

小兒衛生總微論方卷第四

小兒衛生總微論方卷第五

驚癇方下

治驚欲發搐方

定心膏治諸熱安心神截驚癇欲發

生葛根

取汁半合如死者乾葛根
剉水浸一宿慢火煮取汁

竹瀝

半合最
法旋取 大麻仁三分同研

菘豆粉

二兩別
研

朱砂

半兩
研飛

牛黃

一錢研

射香

一錢研

右同和如稀更入少菘豆粉相拌得所石臼
中杵三二百下成膏圓鷄頭子大每服一丸
煎人參湯化下量大小增減用無時

琥珀丹治如前

琥珀

一兩
研

白僵蚕去絲蒲炒半兩

臘月牛膽製天南星兩 天麻兩 白附子半兩

香白芷半兩已上 朱砂二兩研水飛 龍腦一錢研

右拌勻煉蜜圓如鷄頭子大每服一圓煎入

參薄荷湯化下量大小增減用無時

生葛飲子治熱極不已欲發驚癇

生葛汁一合竹瀝一合牛黃如杏仁許別研

右相和每服半合量大小與之無時

鈎藤飲子治發熱時戴眼口吐涎沫欲發癇搐

鈎藤半兩 蚱蟬七枚去翅 人參一分 黃芩一分 大黃一分

右鹿末每服一大錢水一盞煎至六分入竹

瀝半合再慢煎數沸下牛黃一小豆許細研入之攪勻

放溫量大小與服得微汗為妙乳母忌蒜麵炙煇之物

治小兒心胃積熱毛焦睡中狂語欲發驚

朱砂半兩研 牛黃一分 右同研如粉每服一錢摩

犀角水調服量大小與之無時

治小兒熱盛夜後狂語欲發驚以竹瀝一歲兒連

夜飲二合少少頻與兒大以意加之無時

參苓散治小兒忽作驚狀目上視手足強未可

服驚藥宜先與此服之

人參去蘆 茯苓去黑皮各半兩 甘草一分炙

右為末每服一錢温湯調下食空服

疾神散治小兒煩熱心悸手足搖動欲發驚癇

疾神志內木龍齒研細牛黃別研犀角屑各半兩

寒水石兩石膏研碎兩川大黃一錢

右為鹿末每服一錢水一盞煎至五分去滓入

竹瀝半合更煎一兩沸量大小與服無時

又方治如前 疾神志內木龍齒研升麻

甘草炙各半兩寒水石 石膏研碎麥門冬志

右為末每服一錢水一盞煎至五分去滓入

竹瀝半合更煎一二沸量大小與服無時

辰砂金箔散治小兒心高邪熱神志不安悸惕

煩渴睡臥不穩弄舌齧齒痰實效逆咽嗑不

利欬發驚癇

辰砂七錢研桔梗去毒錢人參去毒錢白茯苓去毒錢

蛤粉錢牙硝研細錢甘草炙錢腦子研金箔二

右為細末百日已下兒用半字至一字薄荷

水調膏塗舌上令自嚥百日上兒或大便瀉

者察湯調一字與服一歲上者半錢咽喉腫

痛口舌生瘡者以少許搽病處嚥津必效

牛黃散清心涼血截驚癇欲發已發

牛黃半兩細研 朱砂一分 射香一分 蝎梢一分

天竺黃一分 鈎藤一分

右同拌研勻每用一字新汲水調下無時

此佳 黃圓治眼直惡声嚼舌吐沫欲發驚瀾

雌黃兩研水飛 黃丹兩微炒 射香錢研

右同研細用牛乳半升熬成膏和劑圓菜豆

大每服三圓温水下日三如無牛乳用羊乳

亦得

急風膏利胃清心神截欲發已發驚瀾

朱砂半兩研飛 天漿子五錢取黑者為末 膩粉錢研

青黛分研 乾全蝎去殼為末

右拌研勻細入龍腦細末半錢再同研勻用

軟飯劑成膏圓皂子大每服一粒煎人參劑

芥湯化下無時

消驚膏治小兒風熱涎盛截除驚瀾安鎮心神

定寧搐搦利兩腕去壅滯

龍腦錢 朱砂錢 天南星 白附子錢

天麻末 蝎梢末 半夏湯洗淨生為末各二錢

水銀結砂子 膩粉各一錢

右同勻細用石腦油盞內重湯煮過搜和藥

末為劑圓如黑豆大每服一二圓薄荷湯化
下更量大小加減服無時

神效朱砂圓治小兒溫狀驚風積熱一切瘧滯
能化痰清神利膈消驚截瘧

朱砂 研細水飛 膩粉 各一分 連六金箔 七片

乾蝎 十箇全者 天麻 一分 白附子 一分炮

半夏 湯洗七次去滑焙乾一分 白僵蚕 炒去絲絹一分

右同為細末研勻煮棗肉和如小豆大每服
二圓煎荊芥薄荷湯化下無時

剪刀股圓治小兒驚風欲發未見的証但先服

一圓無不消退用之常驗

五灵脂 去砂石一分 乾蝎 緊小全者 龍腦 別研半錢

乾蟾 淨洗去五藏四足慢火炙令黃色一分 牛黃 別研細

蛇黃 火煨醋淬七次別研如粉 白僵蚕 直者去絲絹畢微炒用

天竺黃 別研半兩 朱砂 研一錢水飛 射香 別研半錢

右順手研令極細糊圓櫻桃大每服一圓金
銀薄荷湯以剪刀股研化服之三歲下者只

半圓無時

治風癇方

蟻娘散治小兒風癇發搐

乾蟪娘 三分微炒 天麻 半兩 防葵 半兩

蝎稍 一分 歲灵仙 半兩洗焙已上先為末

川芒硝 天竺黃 各一分二味同研細

右同拌勻為散每服一字或半錢乳香湯調下量大小加減與服無時

麻黃蝎稍散治如前 麻黃去根節半兩蝎稍十四箇

右將二味碎之用薄荷葉裹遍外更用紙裹了於水蘸濕慢火中煨紙及葉乾透取出為末每服半錢金銀薄荷湯調下無時

芎犀散治風癩多困不省

川芎 犀角散 獨活 去芦各半兩 蝎稍

人參 去芦 天麻 各半兩

右為細末每服半錢温酒調下無時

葱湯圓治風癩發搐痰盛壅熱

天南星 炮裂為末抄篩 蝎稍 一分微炒 半夏 一分湯洗

寒水石 煨熟為末一分 朱砂 一分飛 殭蚕 炒去絲嘴一分

右為細末麵糊圓菜豆大燒葱白泡湯送下三五圓量大小加減無時

人參化風膏治風癩發搐涕欬無時

天麻 酒浸 全蝎 束發 殭蚕 去絲嘴微炒

人參去芦 川芎 白附子去毒 羌活去芦

獨活去芦 防風去芦并去枝各分

右為細末煉蜜圓如皂子大每服一圓荆芥湯化下量大小與之無時

治小兒風癩

以鼈甲去裙欄炙黃杵末每服一錢乳汁調服之或以蜜和圓如小豆大服之亦可無時

鷄蘇散治小兒風癩

鷄蘇 木賊 荆芥

右各等分為細末以茶清調下半錢或半字無時

皂莢煎圓治如前

肥嫩不艸皂角十錢皮稜菜二碗擇淨至淨死味將汁熬成膏別頭

號丹不拘多少於射斗內簇熟炭火煨至灰過吹去其灰右研號丹為細末量其所用入皂莢膏和劑

圓菜豆大每服五七圓溫湯送下乳食前

榴梅散治如前

以大石榴一枚割頂去子刺作甕入全蝎五

个在內却以頂蓋之紙筋搥黃泥封裏了先

用微火炙乾漸加大火煨通赤良久去火放

冷去泥取其中焦者細研為散每服半錢乳調下搗

者服之便定不會服者灌之兒稍大用防風湯調下無時

大膏膏治風痲發搐

青黛分研射香一字別研天麻黍分白附子絲糕

蝎尾去毒蠶朱砂黍分研飛烏蛇肉酒浸宿去骨焙聚一分半

天竺黃五分

右為細末和勻生蜜劑膏每用月中兒粳米大百日兒半皂子大一歲兒一皂子同牛黃膏溫薄荷水化開一處服之五歲上者同甘露散一處服之

牛黃膏

雄黃小棗大塊用獨蠶繭為根同醋天香膏煎去為度甘草煎

川甜消蠶朱砂末半錢別研水飛龍腦一字

寒水石五錢末並炒

右為細末研勻蜜和劑溫薄荷水化如前法服之無時

甘露散名玉露散

寒水石半兩鐵帶青中有細者是石膏半兩堅白者有薄者

甘草生分

右同為細末每服一字半錢溫湯調下食後

治驚癇方

蟬殼散治驚癇熱盛發搐

蟬殼去土半兩微炒 人參去土半兩 黃芩一分 茯神一分

升麻二分已上細末 牛黃一分別研 天竺黃研 牡蠣粉兩

右同勻細每用半錢煎荊芥薄荷湯調服無時

鎮心膏治驚癇發搐熱盛悶亂尚不出

遠志甘水煮去心兩 防已半兩 茯神去心內木半兩 人參去土

大黃半兩微炮已上細末 辰砂研飛兩 雄黃一分研水飛

金箔三片細研 銀箔三片細研 龍腦錢細研

右拌勻煉蜜和膏每服一皂子薄荷湯化下

無時

金銀丹治驚癇發搐安神定志解煩熱化痰涎

羌活去土 人參去土 茯苓 川芎 山藥

南星 蛇黃火煨碎 蜈蚣三分炙

腦子一分 乳香一分 全蝎一分 雄黃一分

蟬殼去土 殭蚕炒去絲 鐵粉各半兩

射香一分 朱砂半兩為衣

右為細末麵糊和圓作二三等圓子隨大小

量圓數服死時

安神湯治驚癇搐搦精神傷動心意不寧

白茯苓兩 白鮮皮二兩 昌蒲兩九節者 人參去蘆

遠志薑煮 石膏煑研 甘草一分 犀角末一分

右為細末每服一錢水一盞去心麥門冬以

許煎至五分去滓放溫時與服

鎮驚圓治驚癇發搐中焦壅熱痰盛

茯神去皮及心 人參去蘆 防葵 鐵粉研

朱砂研飛各 雄黃研飛 犀角屑 龍齒別研

大黃蒸各 牛黃研 龍腦研 金銀箔各

右為細末煉蜜和圓小雞頭大每服半圓或

一圓薄荷湯化服量大小加減死時

治食癇方千金用紫圓方具煎蒸門中

真珠圓治食癇發搐

滑石末三錢 輕粉三錢 乾蝎末巴豆去殼 射香研

半夏麴末二錢 南星末二錢 射香研

右為末蒸餅和圓菜豆大一歲下者一圓土

者二圓葱湯下乳食前

蚬螂散治食癇發搐身熱眼上眦

乾蝎 白附子 朱砂各 膩粉煑

巴豆去殼 天漿子去殼 射香研

右同研細每用一字薄荷湯調下量大小虛

實加減乳食前

大青圓治食癩發搐及有驚積許宜贊方

青黛抄蠶 蜈蚣一對去毒燻炒 蝎王不食者微炒

巴豆三个去皮心膜出油尽用

右為末用鵝梨汁煎菜豆粉作糊和圓豌豆

大每服一圓酒一匙水一匙薄荷汁少許同

化下食癩或急驚發搐服之立效乳食前

銀湯圓治如前

天南星醋煮透切焙乾為末抄分七 棘岡子五个去壳

巴豆束煮出油 雄黃末抄分七 蝎稍五个

朱砂末五分

右為細末煎薄荷湯調麵作糊圓如黍米大

每服五圓煎金銀湯下乳前食更量大小加

減

妙聖丹治食癩發搐利胃隔

蝎稍九个微炒 木香分 代赭煨醋炒分

牙硝一分 大黃一分炮已去為末 膩粉分研

朱砂半斤水飛 射香半斤研 腦子半斤研

巴豆七个去皮心紙裹出尽油

右為細末滴水和圓黍米大每服三五圓沉

香湯下乳食前

蟾酥丹治食痢毒盛湯藥不下

蟾酥一分 真珠末一分 甘遂一分慢火煨黃

牡蠣粉一分 犀角末一分 巴豆七個去皮心出油尽

杏仁一分麩去尖細研 射香一分研

右拌研勻細糯米飯和圓黍米大每服三圓煎

荆芥湯放溫送下量大小加減乳食前

靈朱圓治食痢乳食不消心腹壅滯四肢抽掣

五靈脂去砂石 朱砂研飛 麩色 巴豆殺毒 紙裹去油

右同研細如粉燒粟米飯和圓黃米大一二

歲兒溫水下二圓取或利或吐效更在量大

小加減服之乳食前

三痢丹治痢証發未能分辨皆可治之

黑錫一兩水銀半兩 同燒 子研極細 蝎稍 木香研

天南星蒸 炮烈 殭蚕去絲嘴 黃炒 人參去

半夏半兩湯洗 次 防風去 并枝 半兩

右為細末石腦油半盞研極細入射香一錢

腦子半錢各研細與衆藥末拌勻棗肉和圓

黍米大每服三五丸至九煎荆芥薄荷湯下死時

治五藏五畜痢方

治肝病犬癩

伏日取犬齒水磨汁服

又方

取犬領骨為末服

治心病羊癩

三月三日取羊齒水磨汁服

又云心病馬癩

取馬齒水磨汁服

又方

取馬毛燒灰為末水服一云

馬蹄

治脾病牛癩

取牛齒水磨服烏牛齒最佳

又方

取白牛屎中豆服之

又方

燒蹄末服

又方

取牛鼻中木燒灰服

治肺病鷄癩

取白鷄腦水調服

治腎病猪癩

五月五日取猪齒水磨汁服

又方

取猪乳服

五色圓治五藏五種癩並主

朱砂半兩研飛

水銀分

雄黃二兩研飛

真珠末兩令研極細

鉛三兩同水銀熬

右為末煉蜜和圓麻子大每服三四圓煎金

銀薄荷湯下無時

露蜂房散治五種疾發搐口吐涎沫

露蜂房兩洗淨乾

石昌蒲兩九蒸九曬

桂心半兩

遠志甘草各等分心半兩

人參去者半兩

牛黃一分研

杏仁湯浸麩炒黃吳研分

朱砂二分研飛

右同為細末每用半錢射香湯調下無時

治偏搐方

双劍金治驚癇偏搐

赤足蜈蚣一条 紫色大螳螂不

右照至乾以利刀當脊分切作兩畔各逐左
右別研為細末不得交錯各用貼子盛之於
貼子上號記左右遇其患者每用一字許鼻
內任搐之左治左右治右俱搐者任右則右

住任左則左住左右任皆住

双金散治如前

右以蜈蚣一条大者去頭足尾用真酥塗慢

火上炙黃置粘子面南用快竹刀子當脊縫

中停利作兩半用兩貼子號記左右字不得

交差差則誤矣 又以射香一錢亦分左右

兩處先将左分一半在左字貼內與蜈蚣同

研作細末却入左字貼內盛訖次將右分一

半入在右邊貼內與蜈蚣同研作細末却入

右字貼內盛訖不得相犯每遇病者眼睛吊

上止見白睛搐搦不省不能出声者用細簪筒子置藥少許在中隨搐者左右鼻孔中吹之
用藥不可多若眼吊全未下即添此小以
意度量其眼随手便下搐亦便止餘同上法
二方相犯

保壽散治驚癇偏搐

雄黃研細飛

茯苓薑皮

人參各分

朱砂

研飛

牙硝錢

右細勻每用半錢熱水調下一歲用一字死時

治陽搐急驚方

軟紅膏治急驚潮搐涎盛

天南星

二錢生

朱砂半兩研飛

水銀

分用真石膠湯養膏

乾蝎

稍細末

右拌勻入腦射各錢再研棗肉和劑入石臼中杵三五百下圓如皂子大每服一圓煎薄荷湯化下神驗死時

朱粉丹

又名鶴頂丹

治急驚壯熱吐涎發

搐

朱砂

半兩研飛

膩粉分

蝎稍細末

巴豆

七末煮皮膜出油用一方只用末

右為細末糊圓黍米大每服三兩圓煎桃仁

湯下一方無巴豆但作散每服半錢湯使如
前無時

百靈圓治急驚化涎定搐

黑鉛一分 水銀一分 青礬一分 天南星一分 炮烈

白附子一分 乾蝎一分 天麻一分 蝉殼一分

射香一分 牛黃一分

右為末勻細糯米飯和圓黍米大溫酒下三
圓量大小加減服死時

天漿子圓治急驚發搐

天漿子十四个 有虫者去壳 牛黃一分 射香一分

白附子錢 犀角末分 半夏分 湯洗次

蟾酥錢 猪膽下

右為細末入猪膽汁和劑如汁少入少麵糊
圓黍米大每服三五圓薄荷湯下死時

朱砂散治如前

朱砂分 研飛 膩粉半錢 射香半錢 盧會錢 別研

胡黃連錢 蝎稍適 白附子錢 金箔七片

僵蚕十不 去絲嚼炒 赤足蜈蚣一条 炙甘草錢 炙

右為細末二歲上兒半錢匕已下者一字金
銀薄荷湯調下三歲上者一錢匕如口噤不

開灌入鼻中無時

白金散治如前

天南星兩者破之朴硝兩半白礬錢甘草半兩

右為鹿末用水五盞慢火一處煮水盡為度

焙乾為細末入硃砂末乙錢拌勻每用半錢

煎金銀薄荷湯放溫調下無時

七宝牛黃圓治急驚目睛上視手足發搐

朱砂飛粉霜研輕粉雄黃研飛各錢

牛黃半錢研腦子一字研射香一字研

右為細末糯米粥和圓小豆大二歲下兒半

圓上者一圓金銀薄荷湯磨化服之月內兒

一圓分四服百日者分三服看兒大小壯怯

及病勢輕重以意加減無時

水銀圓治急驚痰壅發搐悶亂口噤

水銀一分棗肉許同研至膩粉一分研南星一分炮烈

乾蝎一分微炒

右為末再用棗肉和圓黍米大每服五七圓

乳香湯下量大小加減無時

小朱砂圓治急驚發搐痰壅

朱砂一分研水飛巴豆三个煮皮膜出油令尽

半夏湯洗去糖乾為末炒天錢杏仁 黍熟以內炮過湯浸去皮尖炒黃

右為細末麵糊和圓菜豆大二歲兒一圓荆

芥薄荷湯下三歲加一圓五歲者三圓如

有驚在內者利動至病盡藥圓乃出如無驚者

藥不下也甚妙而穩乳食前

至聖膏治急驚發搐手拳緊多睡啼叫煩熱鬲實

朱砂一分水飛 天南星臘月牛膽製用兩 鐵粉一分水研

蝎稍十個 續隨子去皮五九 腦射各少許

右為細末煉蜜和圓菜豆大薄荷溫湯化下

一圓如涎多加輕粉半錢更量大小加減無時

牛黃散治急驚搐搦壯熱鬲壅痰盛

乾全蝎六 巴豆二粒 輕粉半錢 雄黃二錢

川蔚金分判用皂莢半錢 朱砂一分水飛

右為細末入腦射各少許每用一字薄荷湯

下或得吐瀉或得睡汗皆愈如牙關緊即先用

藥糝開然後服之開藥方在後

蚘蚘散治急驚風潮搐

以全蝎中緊實者去尾尖上毒炒焦為末

每服一錢濃煎防風湯調下予相識王宣教

謹指一子病驚搐得此方治安渠恐再發遂與

常服之妙選同與烏蛇散服之尤佳

四聖散治一歲至五六歲兒急驚潮搐

天漿子一枚朱砂三豆許研水飛全蝎一枚射香一小豆

右同研膏每服少許薄荷溫水化下無時

治小兒卒得急癇 鈎藤 甘草炙各半兩

右剉碎以水五合煮取二合分八服日五夜三

治急驚風搐痰盛

天漿子三枚薑一兩 乾蝎一枚朱砂一兩水飛

右同為末軟飯和圓粟米大每服二圓剉芥

湯下不計時更量大小加減

又方治如前

以全蝎一枚薄荷四葉裏合火上炙令薄荷

葉焦同研細末分作四服溫湯調下亦治大

人風涎只作一服無時

治急驚發癇迷悶不省嚼舌仰目瘈搐

以真牛黃一大豆許研細和蜜水服之

以犀角末半錢匕溫水二合分服

以真熊膽二火豆許以乳汁或竹瀝服之能

去心中涎可愈

以虎睛研末以水調灌之量大小與一方用

一豆許炙乾研末猪乳三合和之綿纏蘸浸
與兒吮之頻、以多為佳

治小兒卒驚似有痛處而不知疾狀

以刺雄鷄冠血滴少許入兒口中

治小兒初發驚搐壯熱痰壅嘔吐不止

蝎一枚炙焦 麻黄反不忌節 薄荷四葉炙

右為細末量大小用藥以水六分煎一呷温

服

牛黄膏治驚風邪熱痰盛鬲壅時發潮搐厥嗽
不時上視咬牙服之退驚化涎

凉鬲鎮心祛邪止嗽美進乳食

牛黄別研 人參去芦各錢 甘草炙錢

牙硝枯 朱砂研飛各錢 雄黄錢半飛 蛤粉三錢

金箔片 銀箔片 龍腦少許

右為細末煉蜜和劑每九錢重分作一十圓
以金箔為衣每服一圓温薄荷水化下乳後

天吊附

治孩童天吊癩搐

以東行桑根取汁與服亦能傳鵝口瘡

保生圓治天吊搐搦壯熱藏府壅滯

蝎五枚生 天南星二枚烈 巴豆七枚去皮心

右於清明時初夜將藥露北極下一宿明日
杵羅為末以豉四十九粒口含不語津潤至
脫去皮研爛和圓黍米大隨年圓數溫水下
乳食前

治天吊備急塗頂法 川烏末錢半 芸薹子末三錢

右用新汲水調塗貼頂上立驗一方用稀糊
調塗顛上

一字散治天吊眼上能退風爽神

大天南星半兩 蠶殼去土二分 乾蝎一分

殭蚕去絲骨一分

右為細末次入蕎麥麵一分用酸石榴一个
去穰子留殼將諸藥入在内鹽泥封裹於竈
内慢火烧至泥乾燥為度取出再研極細每
服一字溫酒調下無時

蠹魚膏治天吊目睛上脉手足唇口搖掣

右以壁魚兒乾者十个濕者五个用乳汁相
和研爛再入乳汁少許灌之

琥珀散治天吊驚風發搐

琥珀末分 真珠末分 朱砂末半分 鈆霜半分

赤芍藥末一分半

右拌勻每服一字煎金銀薄荷湯調下無時

殭蚕散治天吊日上視發搐

殭蚕去絲嘴炒半兩

馬牙硝半兩

蔚金半兩

乾蝎半兩

右為末每服一字乳汁調下急者服半錢

治陰搐慢驚方

犀角散治吐瀉變慢驚發瘈瘲

犀角屑錢

白朮兩

甘草兩

橘皮兩

右為細末每服半錢水一盞入金銀薄荷煎

至七分溫服連進三服無時

銀白散治吐瀉生風發慢驚瘈瘲此藥

脾去風

右用大天南星一个重一兩者換酒浸七伏

時取出置新瓦上周圍以炭火炙令乾烈頓

於地上去火毒用礮器合之候冷取出杵羅

為末次入朱砂細末一分拌勻每服半錢荆

芥湯調下早辰午前各一

青金膏治因吐瀉變慢驚瘈瘲

烏蛇肉一分酒浸宿焙乾蝎稍天麻分

白附子一分 大附子一分 龜烈去皮脂 青黛二分 研

射香一錢 研 天竹黃一錢 研

右為細末入研藥拌勻煉蜜和膏圓皂子大煎人參薄荷湯化下量大小與服無時

睡驚圓治慢驚身熱瘦瘵昏憤

朱砂末錢飛 香墨末錢 青黛末錢 盧會末一錢

膩粉一錢 龍腦半錢 別研 使君子二下 去壳為末

右拌勻細寒食麵作糊和圓桐子大薄荷湯化下一圓無時

附子散治慢驚身冷瘦瘵昏困聖名錄散

大附子一枚 重九錢 青黛末錢 天南星末錢 用生

半夏湯洗 洗淨二錢 白附子一錢 朱砂末錢飛

射香一錢 研

右為末同勻每服一字薄荷湯調下無時

羌活膏治脾胃虛而生風或因吐利或取轉過

度發為慢驚

羌活去聲 川芎 人參去聲 白附子炮 赤茯苓去皮各半兩

天麻二兩 僵蚕去絲嘴 酒浸炒黃分 乾蝎去毒炒 附子炮去皮脂

白花蛇酒浸肉乾 秤分 防風去葉并枝 牛黃研

麻黃去根節 肉荳蔻麵裹煨 藿香葉 去

沉香 鷄舌香母香也 木香各錢 真珠未

射香格發 輕粉一字研 腦子半字研

雄黃飛 辰砂飛 各錢半

右為細末同勻煉蜜和劑旋圓如大豆許每服一圓薄荷湯或去心麥門冬湯下一二圓量大小加減若急驚者勿服此藥性溫故也服之無時

溫白圓治脾困瘦弱或因吐瀉或久病成慢驚身冷瘕瘕

天麻一分 僵蚕一分 白附子一分 乾蝎一分

天南星湯洗去刺一分

右為細末以湯調食麵作糊圓菜豆大圓了頓寒食麵中養七日畢取而用之若急用未足日數亦可用每服五七圓至一二十圓量大小加減生姜米飲下空心服看病勢漸加圓數多與服妙

鈎藤飲子治陰癇多昏睡手足冷時瘈瘲直視不乳

鈎藤鈎子三分 僵蚕去絲嘴一分 川芎 甘草炙

蟬殼去土并頭翅足炙 蛇蛻炙 蜚蠊去頭翅足炙

右為末每用二錢水一盞生姜五片煎至七分去滓量大小與服小者分三四次與服不會服即灌之若審是陰癘的當用藥末二錢入炮過附子碎用指面許依前煎之溫服日三夜一急驚不用附子服之無時

七聖圓治陰癘体虛羸瘦多困

烏蛇

酒浸軟去皮骨只取肉用

蝎稍

白殭蚕炒去絲嘴

青黛

白附子各分

蟻娘

去頭翅足炙令焦 蟾酥 皂子六

右為細末煉蜜圓桐子大如遇病者先以半圓湯泡薄荷水化開灌兒鼻中如得嚏則可

醫以金銀湯化下一圓日二三若灌藥不嚏難治服之無時

天漿子散治陰癘昏困多睡時時瘕癍

天漿子

去毒用虫

白殭蚕

炒乾全蝎 炒

右為細末每服一字煎去根節麻黃湯調下日三得汗出為效服之无時

七神丹治陰癘面青口噤喉内涎吼手足瘕癍

搗搗

朱砂

研飛 牛黃研

羌活

去毒各分 天南星

射香

錢研 蝎尾炒

殭蚕

去絲嘴炒各七下

右為細末以熟棗肉和圓菜豆大薄荷湯下
二三圓兒小化服亦得无時
天南星煎圓治陰疔慢驚癩瘰

天南星兩細製水盪慢殺筆盪去滓再煎成膏白附子半兩炮烈

天麻兩 乾蝎兩

右下三味為細末入膏和圓菜豆大三歲兒二
圓五歲兒三圓薄荷湯送下日二服无時
五灵脂圓治如前

五灵脂去砂石 白附子生 天南星生

乾蝎生 蟬殼去土生各兩

右為細末用醋二盞先以藥末一兩同熬成
膏入餘藥和圓菜豆大未滿月兒以乳汁化
下一圓二歲下二圓大者以意加之金銀薄
荷湯化下服畢鼻上汗出是效無時

蜆殼膏治如前

左以螻蛄一个去頭翅足入射香輕粉各黃
米許同研極細以新水少許就之用蜆殼灌
之立效

必救丹治如前

赤足蜈蚣系去頭足 蝎稍末 生犀尖鑽末錢

染坯半錢

朱砂半錢研末飛

射香一字

右為細末煎猪脂油九黍米大每服三五圓用
大金散下無時

大金散

辰砂水飛五錢

真鐵粉錢

輕粉錢

金箔五片

右為細末分作九服如遇患者將一服分二
次每一半用童子小便并酒共半盞煎三四
沸放冷調藥一半送下必救丹如行五里許
再一服約半日後便下驚痰惡積便安如已
經取轉虛者即用井花水調大金散下必救

丹須認是慢驚者方可與服立見其効氣雖
絕心頭温者灌下藥即醒

薰陸香圓治虛風慢驚發搐瘈瘲安神定心氣

血竭姜罈

乳香分別研

右研細於火上炙鎔為圓如乾即入少水和
如酸棗核大每服一圓薄荷酒化下兼治婦
人產後血暈不省人事無時

如神散治如前集大官方

蜈蚣一條善酒浸黃

蝎東善發

辰砂錢水飛

右為細末百日兒一字荆芥湯調下漸大以

意加之無時

天雄膏治如前

赤頭蜈蚣

一茶日然乾酒蒸

天雄

錢慢火煨存性研

白附子

朱砂

細辛

輕粉

雄黃

白朮

蔚金

半夏

右為細末入腦射各少許煉蜜和圓鷄頭子

大薄荷湯化下一圓無時

塗顛法治陰癇慢驚

右以天南星洗十遍為細末用生姜自然汁

煮糊調塗顛頂上

妙聖散治慢驚久不差兩手瘳癢抽掣不定

赤足蜈蚣一條葱汁浸日乾草烏頭尖去薄荷生薑自然汁浸

一錢時範同藥

射香

龍腦

右拌勻每用半字以小箬筒吹入兒兩鼻孔

中候兩手定時方可兼服別藥

天麻鈎藤湯治因吐利脾胃虛而生風變慢驚

鈎藤

天麻

蟬殼

防風

人參

麻黃

蝎尾

甘草

芎藭

右同為細末每用二錢水一盞煎至六分量

大小與服如冷多面青唇白四肢冷入附子末半錢無時

喝起散治因吐瀉生風變慢驚或作慢脾風

半夏兩湯洗去為末 生姜罌研取汁和半夏提餅如稀小麵

朱砂飛 滑石 白樹各生各分 沒石子二

右為末每服一字煎冬瓜湯調下如服醒便止後服無時

生銀散治慢驚乍靜乍動手足痠癢時發時止

生銀末半錢細研 蛇黃三分煨醋淬 黑鉛錢水磨

天南星錢 磁石錢煨醋淬 鐵華粉二錢

朱砂錢水飛 射香錢

右為細末每服一字煎犀角屑湯調下如見沉困者用薄荷乳汁調下汗出為効

治陰痲者多用性溫熱之藥有至痲証已退未退之間却生熱証或反為急驚者甚多凡治病必當先問病者之家所患幾日因何得之曾服何藥如此詳審若服熱藥太過可用解毒藥治之死不効者

三卷散治陰痲慢驚服溫熱藥太多而却生熱証反為急驚

大豆卷黃水浸墨生芽是也曬乾時用 貫衆

板蓋根 甘草炙各等分

右同為細末每服半錢或一錢白水煎放冷

服甚者用藥三錢漿水入油數滴煎之又治

吐垂無時

龍腦煎治如前

大黃黃連 半夏黃連 寒水石 禹餘糧石

金星石 銀星石 寒水石 禹餘糧石

不灰木 青蛤粉 聖散

右等分為末入龍腦一字再研新水調下一

字或半錢量大小加減此旧方也錢乙入甘

松兩枝霍香末一錢金牙石一分却減大黃

一半服之死時

慢脾風

銀曰散 慢脾驚風危困者

天麻星木生姜自然汁和劑拾作餅子炙黃

白朮天麻薄荷自然汁和劑拾作餅子炙乾

古同為末每服半錢或一錢煎冬瓜子湯調下

菟活膏治慢驚 及脾風及身體冷四肢硬

危急將不救者

羌活去聲

獨活去聲并土

人參去聲

茯苓去聲

防風

去聲并

桂去鹿皮先為

乾蝎

錢湯浸

水銀

半錢

硫黃

去聲與水研如泥後入

射香一字研

右先研硫黃次入射香水銀研至無星極細

又入諸藥末拌勻煉蜜和膏圓皂子大薄荷

湯化下保生治胃虛吐瀉生風羌活天麻防

風各半兩人參茯苓蝎挂各一分朱砂水銀

硫黃各一分服之無時

大天南星散治吐瀉或服轉藥過度脾虛生風

為慢驚或作脾風危急之候

右以天南星一枚重八九錢至一兩者先概

一地坑深三寸許用炭火五斤燒通赤去火

入好酒半盞在內然後入天南星却用炭火

三兩条盖却坑子候天南星微烈取出剉碎

再炒令勻熟不可稍生放冷為細末每服一

字或半錢濃煎生姜 防風湯調下無時

又方治如前

梓州厚朴

去麤皮生薑製兩細半夏

錢湯洗茯苓生薑薑其

右用米泔三升同浸一百刻周一伏時以水

尽為度如至百刻水未及加少火熬乾去厚

朴只用半夏為細末每服半字或一字薄荷湯化下無時

辰砂膏治陰癩搗掣昏困傳為脾風

右以大附子一枚重六錢上微炮去皮臍於頂頭剉一竅子入粉霜硃砂各半錢却用取下附子末填滿於火上燒存性次用天南星半兩炮烈喝稍一分羌活去綿朱砂兩同為細末煉蜜和圓鷄頭子大每服一九射香薄荷湯入酒三兩滴化服無時

丙丁散丙日作麴丁日製藥

天南星 烏蛇肉酒浸膏炙 天麻

麻黃去根如常 大附子夜重者煎去毒

全蝎去毒 白附子去毒 白殭蚕去毒

右為末以水一升浸三日瀝去其滓用寒食

麵一袋和勻踏作麴楮葉七日取出以紙

袋盛吊起十四日可用遇小兒吐瀉精神昏

困多睡不乳四支逆冷欲發慢驚者以麴一

兩為末入腦子末一字每服半錢或一錢溫

水調下若已發慢驚者此五藏俱虛皆受其

病心主血病則血亂肺主氣病則氣奔肝主

筋病則抽掣脾主因病則昏困腎主寒病則
身冷故病者血亂氣并四支抽掣吐瀉昏困
唇口色白身體冰冷神情忪悸面青喉響鼻
如鴉聲將上件已成藥更入朱砂末一錢半
法拌勻服依上法若慢驚吐利傳為脾風者用
麴末一兩朱砂末一錢半拌勻煉蜜和丸鷄
頭大名丙丁膏溫水化下又別以麴末一兩
朱砂末權黃末各抄一錢琥珀末甘草末各
抄二錢拌勻煉蜜圓鷄頭大名太乙丹治小
兒百病此方陳易簡家藏服之無時

閻孝忠云小兒吐瀉脾胃虛而生風以為慢驚
或傳成脾風大便不聚至虛損危憊者當速
生胃氣宜與理中丸并研金液丹作末煎生
姜米飲調灌之多服乃効服至二三兩無害
候胃氣生手足漸煖陰退四支猶然瘳瘳即
減金液丹一二分却用青州白圓子一二分
同研如上法與服以意詳之漸減金液丹加
白圓子兼用異攻散此乃溫中正氣治虛
吐瀉兼方具吐瀉門羌活膏溫
白圓釣藤飲子之類方並依此治之仍頓與粥
食雖至危殆往往死中得生十有七八予於

岳太尉處得一方祇自王運使所傳治小兒
急慢驚風吐瀉不止危不可治者名為安胃
圓與上相似大同而小異

好青州白圓子三粒 好金液丹三粒

全蝎殺去刺 射香少許

右同研為細末以糯米飯和丸黍米大每服
三二十丸煎蘿蔔糯米湯下無時

射香牛黃丸治小兒急慢驚風慢脾風

牛黃麝 射香麝 蝎稍 乳香麝

沒藥麝 蜈蚣黍 花蛇肉去骨 酒浸宿

天南星麝 草烏麝 天麻二錢半

防風去苗并根 雄黃半錢 朱砂八錢

右為細末酒糊和劑如皂子大一歲至三歲

兒每服一圓研細煎金銀薄荷湯調下七歲

至十歲服二丸至三丸煎人參湯調下慢驚

風細研三丸灌下大有神效無時

射香餅子治小兒吐瀉之後脾虛生風目睛斜

視背脊強硬手足 痲痺乃治心肺中風昏

塞不省此方與前方相犯而小異

川烏炮去脂分 天南星炮分 白花蛇酒浸宿去皮骨

蝎稍一分

蜈蚣冬去頭足已死者為細末

朱砂朱砂研飛

射香二分

乳香二分

鐵粉二分

牛黃二分

右為末同勻細酒糊圓如鷄頭大捏作餅子

每服一二餅煎入參薄荷湯化下

聖脾散治慢脾風

香附子炒去毛

小黑豆二合

甘草半分

右為細末每服半錢飯飲調下無時

急慢驚通用 治小兒急慢驚風声已不出危

殆命在須臾者男在女右屈中指在手心橫

紋當中點炷及與乳頭上同時下灸炷如麥

粒甚者不过三炷声回即止此灸法王運儀傳妙

天麻膏治小兒急慢驚風及慢脾風搐搦瘈瘲昏

塞牙噤一切惡候及吐瀉等疾

全蝎一分

牛黃錢研白附子錢天麻錢雄黃四分

訶子六錢

白朮錢藿香葉去盡錢

白芷錢仁錢

縮砂仁

白殭蚕去絲紫蜀錢炒

右為細末煉蜜丸如鷄頭大每服一九煎薄荷

湯化下甚者兩丸泄瀉者煎冬瓜子湯下嘔吐

者煎丁香湯化下並不拘時候更量大小臨時

加減亦看病之輕重用藥則無失矣

牛黃丸治急慢驚發歇不止 牛黃研 天竺黃研

犀角屑 胡黃連各兩 芎藭 人參各兩 白茯苓

丁香 釣藤 龍齒各分 射香研 腦子各研

右為細末煉蜜和菴豆大每服三丸粥飲下無時

黑神圓治急慢驚 膩粉錢半 香墨錢 白麵盧會

牛黃別研 青黛 使君子去壳細末煨熟 腦子字 射香字

右為末糊圓桐子大每服半圓薄荷水下要利

動服一圓楚州小醫王鑑因此藥致富甚保惜

之未嘗傳人予得之乃睡驚丸小異耳治驚極效垂死一服立差無時

青金丹治如前 雄黃末錢 朱砂末錢 鐵粉錢

乳香末錢 南星末錢 蝎微炒 二錢 輕粉

青黛各錢 射香字 花頭蛇一箇酒浸

炒右為末以梨汁和劑分三等圓之黍米

麻子菴豆大量大小與之一圓薄荷水送

下煎金銀湯亦得無梨汁用薄荷汁無時

雄朱丹治如前 雄黃水飛朱砂水飛 等分

右為細末用白項曲蟻一條放藥中令纏

濕以竹篦子刮下丸如芥子大每服三丸

金銀薄荷湯下其曲蟻却須放了不可壞

死服之無時

軟金丹又名聖力丹治小兒急慢驚風三疳瘕
癢頭項動搖目睛上視或牽斜偏搐背脊強直
或反折如弓口噤牙緊或屈指如數或溫壯連
綿或服涼藥過多內生虛風或因傷寒變搐發
渴或因吐痢生風為癇一切諸証乳食不進昏
冒不省凡此急候服之皆愈但不喘急者此藥
必効如已喘急者更須審詳虛實若涎實者同
水銀圓化此藥服之二藥引化驚涎則潮搐立
止虛者但只服此藥即便放下眼來如小兒涎

熱風熱有諸驚証服之便差更無變動又治大
人卒中風病延潮不省此藥神聖救人不可曷

牛黃別研 丹砂水飛雄黃研水飛 生犀錯

末細研天麻 僵蚕去絲鬚 羊真夏湯洗七次為麩

蟬殼去湯洗淨焙 南木木白 使君子取肉各一分

肉苳苳苳麵裏煨 香墨各一分 天南星炮烈 白附

子炮烈 錢膩粉二錢 水銀三錢半 用黑鉛三錢半 准七錢

結心一兩半 白花蛇 烏蛇二蛇 取項後麁肉各一兩 酒

浸一宿 去皮骨曝乾不見火 螺青一兩 射香一兩 研

龍腦半兩 研附子一枚 炮烈去皮 膈虛者用之蜈蚣中者

二条生用須赤足雀全蝎三个天漿虫三五不盡

六槓榔二枚 丁香半 蟾酥三皂子大金箔

銀箔各十五片右為末逐件旋入研之細勻
用不蚰皂莢一錠刮去皮絃以好酒半升浸
一宿按揉取汁去滓入石腦油三錢銀器內
文武火煎十數沸放冷別煉蜜少許投內和
諸藥得所六者圓棗大小者皂子大別以金
銀箔為衣每服一圓金銀薄荷湯化下延實
者用水銀圓化下小兒量大小与大有神驗
水銀圓具譚氏方也服之无時

奪命大青金丹治小兒諸驚此東京西瓦內出
蘇馬兒栗家方 天竺黃二錢 墨二錢 不計大小亦得

使尽射香一錢 研朱砂一錢 研水飛水銀半兩 錫半兩

右於鉢內先鎔錫化入水銀結砂子乳鉢內
研開次入諸藥末研勻細方用濃墨水和丸
彈子大以灰頓盆內鋪紙於紙上布藥泥乾
十歲兒一粒分三四服 七八歲兒作四服 五
六歲兒分六服 三四歲兒分十服 一二歲兒
分十六服 新生百晬兒分三十服 並微利常
服者須隔旬日服一服 小兒風熱發癩潮搐

延盛嗽喘並臨時加減如吐瀉後生風服亦不妨此藥性溫宜少服並用湯化下如煎湯不可犯鐵器入口如聖服之無時

治急慢驚馬發搐

乳香半兩研

甘遂二錢

右同研細每服半錢乳香小便調下妙

又方治如前

蝎稍主不朱砂一皂子許研水飛射香

一匙許右同為末每服一字或半錢用赤小

豆拌勻薄荷溫酒調下死時

定命丹治急慢驚馬風吊眼撮口搐搦不定甚難量

蟾酥

錢乾者酒浸宿乾蝎七枚全者南星末分

白附子末半錢青黛半錢研別為末

射香少許

右勻細末粟米粥和丸菘豆大別以青黛為衣每服一丸荆芥薄荷湯下服藥後困睡無疑凡病者先化半丸點鼻中得噴者必効如新生兒用膩粉二捻生油一滴新水半茶脚化一丸服之取下胎中所受病更无諸驚馬和熱服之无時

射香餅子治如前

烏頭蛇

一對酒浸一宿取肉蝎稍研

白附子二兩炮天南星二兩炮

白僵蚕二兩炒去絲

乳香

半兩研朱砂二兩研水飛天將水四十九个去壳射香

二錢研金箔十片右為細末煉蜜和丸桐子
大捻扁作餅子用金銀荊芥湯化服大小加
減无時此便是除風膏若以麥飯和丸便是
麥飯膏此黑孩兒相防禦真方也

如聖散治如前 白附子二錢僵蚕炒去絲黃錢

全蝎二錢中者用麵炒去足留身尾甲人參去芦三錢草

烏半兩炮去皮牙硝二錢丁香一錢不見火膩粉半錢

天竺二黃一錢天南星米泔浸宿焙乾稱二錢龍齒二

蔚金錢腦射各少許

右為細末十歲下兒半錢上者一錢冷薄荷

湯調下如兒驚馬結大小便不通連進二服死射

南星湯治如前 右以大天南星一枚重四錢

者 細研為末用漿水一碗冬瓜子四十

九粒同煎至一盞去滓取青汁半盞分三服

病愈以四君子湯補之一方每用南星末一

錢上下以水半盞漿水半盞或薑汁亦得入

生姜三片冬瓜子數粒煎至半盞以下分二

服尤治慢驚服之无時

南朱膏治如前 右以大天南星二兩為末用

臘月黃牛膽取汁和之却入膽中如膽汁火

量可用之審乾為細末入朱砂末一錢射
香少許煎甘草膏子和劑丸雞頭子大每一
歲半丸熟水化下量大小加減如一膽盛南
星末不盡用二膽亦得服之无時

朱金湯治如前 右以代赭石火煨醋淬十次

為細末水飛過日中燉乾每服半升或一升

煎真金湯 調下量大小與之連進三服光

脚脛上有赤斑點者即是邪氣已出見當安

也若無赤斑點者出不可治也服无時

如聖青金 丹治忽發身熱吐逆變急慢敬馬

潮搐 龍腦一錢研射香研膩粉研各一分白麵三錢

香墨一錢半為末青黛二錢研使君子去壳二十麴裹

慢火煨熟為末金箔 銀箔各五片研

右細勻末滴水丸雞頭子大慢敬馬用冷薄荷

湯化下一丸須臾便睡竟立愈更服三兩

服急驚馬化下半丸下涎一合以來神効无時

滾涎膏治 慢驚風潮搐无時 龍腦一字

朱砂一錢半 鵬砂末一錢 馬牙硝一錢 鈿霜一錢

水銀 錢結砂子 牛黃一字 射香一字

右同研自然成膏丸楊梅核大梨汁化下一

丸量大小加 減死時

牛黃丸治急慢驚發搐痰壅及吐瀉生風

牛黃一錢牛膽制天南星末一錢滴乳香末一錢

令研人參去芦一分天麻一分去苗防風去芦去叉枝一分白

殭蚕炒去絲繭一分茯神去心內木一分朱砂三錢研水飛

射香一分全蝎一分腦子少許

右為細末煉蜜和丸雞頭實大荆芥薄荷湯
化下一丸相宜加減死時

罷搐丸治急慢驚發搐牙關噤身反強

水銀二錢黑鉛二錢同水銀結沙于天麻半兩去苗花蛇肉

酒浸取肉半兩人參去盡半兩天南星半兩炮白附子半

乾蝎半兩去毒朱砂半兩水飛青黛一分腦子射香

右為細末石腦油研和丸小麻子大每服一

丸薄荷湯化下死時

虎睛丸治急慢驚搐延熱多睡及諸惡証

虎睛一對碎切酒浸宿焙乾通明天麻半兩白茯神志

內木半兩白附子一分天漿子五十個炒黃耆使君子一百

個去壳切碎焙乾朱砂二兩水飛全蝎半兩去毒牛黃半兩

天南星一兩二錢慢火炮烈京墨半兩燒過青黛半兩射香

輕粉各分右同勻細末酒糊丸桐子大每服

一丸薄荷湯化下有急病加作二三丸極妙死時
烏蛇散治急慢驚搐如弓危困難治療之者此
方主之 烏蛇肉酒浸度骨三錢赤足蜈蚣二條去頭足

醋浸炙焦全蝎二錢毒天麻半兩白茯苓半兩黑附子

半兩炮烈去皮脂白朮子一分炮射香少許

右為細末每服半錢或用旧断并索煎湯調下

其効如神如急用断并索煎荆芥湯代之死時

治胎癇發搐真假方

虎睛丸治自生毒肉土百日以來壯熱驚馬搐尾

發在百日內者雖發搐真假相似然發頻者多

是外風傷之也

虎睛一對酒浸微炙取半牛黃一分別研朱砂一分研水飛

雄黃一分研水飛射香一分研

右為細末煉蜜和丸菉豆大以乳汁研化三五丸

烏金膏治胎癇發搐頻併 烏蛇一條水浸去皮骨只

取肉別用酒浸宿焙蚕紙一張燒灰蟬殼去毒兩全蝎

半兩上先為末朱砂半兩研飛射香半錢研腦子半兩研

金箔三十片細研右拌勻煉蜜和膏丸皂子大

當每服一粒煎人參薄荷湯化開服无時

牛黃丸治自生至百日以來五臟多熱而發驚馬搐

牛黃一分令研龍腦一分黃芩末半兩朱砂半兩研飛
乾蝸一分犀角末半兩右同研如粉粟米飯
和丸麻子大溫水化一丸與服无時
菟活膏治胎癩發搐昏困不省

菟活去芦兩烏蛇肉兩酒浸宿乾獨活去芦兩

天麻半兩全蝎半兩去毒白殭蚕去絲備人參半兩

右為細末煉蜜和膏每服一皂子大射香荆芥
湯化下無時

銀朱丹治如前

乾蝸一分微炒天漿子一分微炒去壳朱砂半兩研飛牛黃一錢研

靈蜂房一分微炒為細末水銀分用黑錫一分結砂子射香錢

右同拌勻麵糊和丸黍米大每服三五丸

銀薄荷湯化下兒小乳汁化下亦得無時

甲灰圓治生小便喜多驚

右剪父母兩手爪甲燒灰研細麵糊和丸麻
子大井花水化下一丸無時

生摩膏治新生兒肌膚幼弱為風邪所中身體
壯熱手足驚掣

甘草防風去毒并接各兩白朮半錢雷元錢半

桔梗去毒半錢

右咬咀以豬肪脂一斤煎油入藥微火上煎之良久視稠濁得所膏成乃去滓丸如彈子大每服一粒炙手摩兒百遍寒者更熱之者更寒小兒無病早起常以摩顙上及手足心甚辟風寒之邪

朱砂散治一臘至月內兒發驚轉為慢驚

朱砂一分研飛 牛黃一分別研 射香錢

乾蝎十枚微炒 天漿子粟麩炒色黃去壳取用

右各研細處再研極細散每服半錢乳汁調抹兒口中以乳汁送下無時

保生散治新生兒胎驚此在母胎中時因有所驚乃感至生下百日之內心神不寧睡臥不醒壯熱躁煩啼哭無時面青赤腰直身冷搐縮口撮或糞青黃水

胡黃連黃蘗 鵬砂研 鐵粉 輕粉各錢

右為末每服一字薄荷乳汁調下服藥後有青赤物下是効如無隔日服琥珀丸服之無時

琥珀丸 乾全蝎枚 琥珀錢 鐵粉錢

輕粉 南星炮 白附子炮 龍腦半錢研

右為末酒糊和丸黍米大薄荷溫湯下一二

丸如服此藥眼反牙噤如魚口者乃死候也
服之無時

治嬰小初生未滿月驚著似中風欲死者此方

以好朱砂用新汲水磨濃汁塗五心上神驗

治嬰小新生中風

以射香一分駢前背交脊上會中毛拔取手

指大許一把以乳汁和令得所於銅器中慢

火炒令焦燥與射香同研如粉每服一字乳

汁調下日三服

小兒衛生總微論方卷第五

